

羅兆牲有詩賦物載藝文
典史署 在縣治大門外右

正安州

州治 明平播設州建治涵子園舊城至

國朝歷任知州並未臨此公署久廢無存寓栖右鳳街

規草創粗備堂室隸自乾隆三年遷定右鳳街

知州陳中始請建今署大堂前露臺前甬道前儀門

門內左吏戶禮房右兵刑工承發房又前頭門左土

地祠右獄五十二年知州羅才標遷土地祠於正堂

左建鼓吹亭於頭門外正堂後二堂左房六間以三

遵義府志 卷七

公署

七

間為花廳榜琴鶴軒以三間為書室軒側有龍神祠

嘉慶四年知州福明建十九年知州趙宜霖創新祠

於東門外先農壇後今以祠為箭亭箭道側為州倉

有倉神祠二堂右後嘉慶十五年趙宜霖創內署左

右兩廂前一廳二堂內三堂亦左右兩廂通環以墻

吏目署 在州治大門內乾隆十一年吏目羅遵道

建嘉慶十六年吏目朱元暉於上房隙地捐建屋五

間為卸任吏目暫栖眷口

桐梓縣

縣治 明平播設縣建治萬曆二十九年知縣何

創修正堂榜曰愛民堂前露臺前甬道前儀門左右

六科承發架閣郵驛諸房隸又左為縣丞衙尋議裁

右為典史衙知州段文郁於正堂後建川堂榜曰知

思儀門外左為預備倉右為獄外為大門又外為申

明旌善亭隸歲久傾圮僅存後堂儀門

國朝順治十六年署知縣劉鎮國作廳事榜曰天鑒在

茲作川堂榜曰退思堂亦隸康熙二十二年同

御頒清慎勤三字新構川堂左右各建翼室外建頭門二門

陳四十七年知縣金熊飛於大堂前建卯廳三楹儀

遵義府志 卷七

公署

八

門內建戒飭坊雍正四年知縣楊企慎因川堂災重

修榜曰思補堂七年知縣邱仲坦於川堂左右各建

翼室大堂前左右建縣倉補修頭門儀門儀門外左

土地祠右獄隸乾隆中知縣李大銑借項補修全署

道光十年知縣李蕃重修戒飭坊

典史署 在縣治右

綏陽縣

縣治 明平播設縣萬曆二十九年知縣詹淑建治

正堂居中前署前戒石亭前儀門左右列六房承

發架閣郵驛等科隸又左為主簿衙今裁右為典史

衙正堂後爲退食堂爲庫爲縣正衙儀門外左爲賓賓館土地祠右爲獄外爲鼓樓又外爲申明旌善亭陰陽醫學勤農亭

國朝知縣鄒宗彥重建後樓餘因舊陳大門即宣化樓

雍正間知縣唐椿重建二堂東西書室知縣黃燾世

建監獄雍正十年唐椿重修乾隆二十三年署知縣

陳世盛復修級陽

典史署 在治右

仁懷縣

縣治 明平播設縣建治今仁懷廳入

遵義府志

卷七

公署

九

國朝歷任知縣俱寓居生界垣舊治衙舍悉毀無存陳

雍正九年題准移治亭子垣知縣杜註始建正堂居

中榜曰新德堂前露臺前甬道左右六房承發等科

前儀門外右監獄前頭門正堂後爲川堂前兩柏樹

亭亭右秀因榜堂曰雙柏又後爲太初堂署左爲縣

倉倉側爲箭圃署內有金星祠乾隆二十三年重修

典史署 在縣治

府州縣儒學署並詳學校

雍正元年

上諭朕惟國家首重吏治爾州牧縣令乃親民之官吏治之

始基也賈賦訟獄爾實司之品秩雖卑職任甚重州縣官賢則民先受其利州縣官不肖則民先受其害厲茲任者當體朝廷惠愛元元之意以愛民爲先務周察節屋緩輯鄉里治行果有其實循卓自有其名非內聚賄而外干譽謂之名實兼收者也余省吏治如作室然督撫其棟樑也司道其垣墉也州縣其基址也書云民爲邦本本固邦寧夫所以固邦本者在吏治而吏治之本在州縣苟州縣之品不端猶基不立則室不固容有濟乎

皇考臨御六十一年灼知州縣之重特行引見咨詢明試至

詳至慎其有廉能之員每不次超擢以示鼓勵今海內羣

遵義府志

卷七

公署

十

黎皆

皇考所懷保也朕膺

宗社重寄思繼

皇考之治功惟爾州縣諸臣俱有父母斯民之責其爲朕立

之基址以固邦本焉誠能潔已奉公實心盡職一州一縣

之中興仁興讓教孝教忠物阜民安刑清政簡朕將升之

朝宁用作股肱如或罔念民瘼恣意貪婪或取利肥家或

濫刑逞虐或借刻以爲清或恃才而多事或諂諛上司以

貪位或任縱胥吏以擾民或徇私欲以上虧國帑王章具

在豈爾貸歟更有任州縣時私肥已橐而漫云且俟顯要

方立名節者其與初市清名晚而改節之人何以異哉至於錢糧關係尤重絲毫顆粒百姓之膏脂增一分則民愛一分之累減一分則民沾一分之澤前有請暫加火耗抵補虧空帑項者

皇考示諭在廷不允其請爾諸臣其聞之矣今州縣火耗任意加增視為成例民何以堪嗣後斷宜禁止或被上司察劾或被科道糾參必從重治罪決不寬貸夫欲清虧空之源莫如節儉正直節儉則用無不足正直則上官不可干以私若賒小民之生以飽上官之貪欲冒不測之罪以快一時之奢侈豈砥礪廉隅為民父母之道乎爾州縣等官遵義府志 卷七 公署 七 其恪供乃職勿貽罪戾毋謂地遠官卑朕不及察其賢否也特諭

雍正八年

上諭尚書舜典云欽哉欽哉惟刑之恤哉朱子曰所謂欽恤者欲其詳審曲直令有罪者不得免而無罪者不濫刑也吾弟怡賢親王常奏朕云今法司衙門凡有審問事件並不究其情之虛實動以夾訊夫聽斷之下求之於辭耳目以察其情設誠以待之據理以鞠之未有不得其實者何庸夾訊倘有證據情罪顯著而本犯猶狡獪不以實供則不得已而用刑若並不詳鞠其情而概用重刑嚴訊

三木之下何求不得此重案之未免有冤抑牽累也吾弟之言如此是以八年來凡朕交王承審數十件繁難大案皆以誠敬用心以情理感格愚頑簡季閱實俾各自將罪犯委曲招吐從未會夾訊榜楚一人而諸案情罪無不允當吾弟之存心忠厚如此凡為法司者皆當奉以為法也今外省有司既不能聽辨五辭無明決折獄之才每遇重大案件至期限將滿之時慮及慮分則連用重刑該犯欲緩須與之命凡官吏訊問之語靡不承認遂據其供招鍛鍊成獄且凡遇命盜案件其中牽連之人有司亦明知其無辜而欲為開釋恐致上司之翻駁遂有非夾訊不能歸

遵義府志 卷七 公署 七 結論夫欲保全一已功名彌縫上司之查駁無論情之虛實罪之輕重輒用三木以訊每致案未結而有刑斃之人此其居心尚可問乎從前阿爾松阿為刑部時不能剖斷曲直乃各將原被告之一足共一三木此天良喪盡之人視夾訊為兒戲其心之殘忍慘毒甚矣未幾而身為叛逆不能保其首領善惡之報豈有爽乎吾弟怡賢親王存心仁恕固不待言而其本懷總不欲使天下有冤抑之人俾國家受濫刑之議此其忠君愛國之心出於誠懇篤摯是以凡有聽斷歸乎至當能使羣議帖服刑章式叙也今吾弟仙逝之後凡敕靈大祀之日

弟仙逝之後凡敕靈大祀之日

上天必賜以清和景象而羣工黎庶各致其哀慕深情誠一
千古以來未有之賢王此

天之報吾弟亦云厚矣吾弟嘉謨入告之事不可勝數偶因
戒飭問官輕用三木一節將吾弟敷奏之言宣示于眾且
布告各省有司令咸以吾弟怡賢親王之聽訟居心奉為
案鞠之規範則明慎用刑庶幾咸中有慶矣着凡掌刑名
衙門將此諭刊榜示於堂署特諭

乾隆八年

上諭國家子惠黎元教養由來並重朕君臨天下宵旰維勤
重農桑輕徭賦所以養民者惟恐不周至於正人心厚風

遵義府志

卷七

公署

志

俗皆國之大務尤所時屢於懷者凡中外臣工莫不諄切
誠諭務使民間習尚馴良訟獄衰息以漸臻風移俗易之
效乃數年以來民風仍未還淳習俗每輕犯法豈小民之
不可牖迪歟抑牧令之教化不治而德意未孚也古者朝
廷之政象魏懸書閭里之教月吉讀法三物六行匪徒具
文我

聖祖仁皇帝聖諭十六條飭紀敦倫型方正俗精義超越前

古

世宗憲皇帝萬言廣訓益加詳明剴切開導所以牖民覺世
者至矣使地方有司竭誠宣布雖甚愚頑誰無天性亦必

洗心滌慮卑薄從忠駸駸於上理無如實力奉行者甚少
即朔望宣講不過在城一隅附近居民聚集觀聽者僅收
百十人而各鄉鎮間有講約之所亦多日久廢弛全無實
際至所奉諭旨有關於教民者亦惟張掛告示視為通行
之常例焉能使之悅耳革心翻然悔悟是以尚氣輕生狂
於性成作奸犯科常為俗染及其怙終不悛而刑罰隨其
後朕甚憫之夫守令者民之父母古所稱忠信之長慈惠
之師惟本至誠惻怛之意以感動愚民使之各自警省又
能隨時隨事委曲勸誘諒無有不可化誨之人亦無往而
非敷教之地即聽訟一端兩造具在隣右親族齊集公所

遵義府志

卷七

公署

志

正百姓耳目所屬推誠曉諭最易提撕不徒現犯者各自
愧悔並使旁觀者亦因此傳播交相勸勉若公事稍暇或
講讀編審或講課農桑即可單車簡從親歷鄉村遇父老
子弟獎其善良懲其不率伸之以勸誠示之以榮辱循謹
者益加鼓舞即強悍者亦知戒懲漸摩日久性情和順貪
利好勝之心不作而一道同風之盛可幾矣惟是百姓以
守令之行事為觀感守令以督撫之意指為從違為督撫
者果能董率所屬留心化導實力奉行日計不足月計有
餘斷未有為其事而無其功者若徒視為虛文接到諭旨
轉行牌示遂以為已經遵奉則亦何益之有各省督撫等

受朕深恩界以封疆重寄尙其儆惕黽勉以無負朕諄諄誥誠之至意特諭
乾隆八年

諭朕惟養民之本莫要於務農州縣考成固應用是為殿
最而向來功令不專以此課吏者因其事甚樸無可炫長
其迹似迂驟難見效又或上官之察勘難周有司之條教
易飾不似催科聽斷捕盜等事之顯而有據督撫察吏
每於此等不計轉視為老生常談漢焉不甚加意以致州
縣之吏趨承風旨轉以簿書期會為先而農事反居其後
職司民牧之謂何不知為治之道本舉而未自墮之如果
遵義府志 卷七 公署 五

南畝西疇人無餘力于耕舉址日無暇時則心志自多淳
樸風俗自鮮蠶凌人知急公而閭閻無待追呼矣人知畏
法而盜賊因以寢息矣本計既端末事亦次第就理如此
則州縣之考成似疎而實密即督撫之察核可簡而不煩
日計不足月計有餘民生大有裨益即治道亦漸致到隆
若夫朝夕申意非不美束縛馳驟適以擾民為督撫者
當善體朕意毋視為具文毋事於塗飾誠以實心化導其
屬俾屬吏亦以實力勸課其民庶幾野無游惰之風家有
益藏之樂朕以此訓示督撫業已至再至三不啻耳提面
命今復降此諭實願與天下共敦本計故不厭其言之重

詞之複也各首督撫其其勉之特諭

提督學院行署 在府治右康熙二十三年五屬於
此地捐修分司備藩按駐節之所四十四年知府王
元弼始易為學院行署四十六年重修貢生羅其章
有碑記嘉慶二十一年知府趙遵律拓舊址重修
附羅其章記郡侯王公元弼之守是邦也目擊士
氣不揚鼓篋蕭條惻然者久之甲申春釋菜頌宮
禮畢詢其故諸生應曰遵義未分設六學時遇歲
科兩試遠赴渝州泊人文蔚興學使席孫張三公
按臨考試親校書齋燈火恍如白晝家絃戶誦達

遵義府志 卷七 公署 五
於四郊鼓舞稱歎不置迨逆藩跳梁蹂躪八載吾
郡竟成戎馬之區及蕩平後雖比戶寥落而絃歌
組豆流風未遠斯時仍荷文宗馮江周三公俯念
士子遠行勞瘁親蒞播城斯文彪炳赫赫若前日
事嗣因文宗王軀幹清癯艱於跋涉復行調考相
沿成例遵之士子裹糧千里三載兩試山行險阻
蜀道青天匪徒直廢時失業已也公一聞斯語即
蹙然動容且殷勤慰藉謂將來永成定制俾士子
獲免奔馳奮乎願也多士其勉之隨據屬紳士
呈請申詳列憲兼請定恆久計維時邑人李君先

立以進士令新安諸生羅子大昌慨然走萬里與
李君商訴部請專設邊棚因獲請特于舊址建設
一廠著為例乙酉夏規模草創文宗劉憲然戾止
講學行禮一時稱曠典焉父老扶杖園橋者追憶
當年盛事復見之於今日未嘗不欲獻感歎頌我
公之德於不衰茲因湫隘傾圮恐不足以光大典
仍舊署而崇廣之體裁大備景象一新其翼然而
聳峙者為門其巍然而弘敞者為堂其左右秩秩
者為東西文場內而寢室庖舍燦然改觀其時竭
志贊襄者則有州縣諸父母暨學博諸先生甬壁

遵義府志

卷七

公署

七

外道途齷齪捐地址以通車輿者則有候推守戎
段君啟俸先是我公慮董率無人致同道旁之築
乃委參軍王君士偉主其事復遴諸生張子元昱
陳子登第杜子思賢鄭子琪姜子燮以分理之相
與篤意擘畫告厥成功然非得二千石如我公者
毅然創始於前殷然玉成於後雖捐資有人經理
有人其能有倫有紀綱舉目張若是之易易乎則
今日諸君子之功實皆一賢二千石之功也爰勒
貞珉以志不朽俾後之人有所考云康熙四十六
年丁亥

武職公署

遵義協副將署 卽舊府治後以道署為今府治歷
任副將遂居之原委詳府治下今舊時屋舍大半毀
拆亭池亦僅存故址署左垣外為小較場以閱練士
卒督學使試騎步亦於此
左營都司署 在協署前右
右營守備署 在縣治左三洞橋左右營千總並無
舊署賃居民舍
正安州城守營署 在州城東門內乾隆十一年建
較場在東門外志

遵義府志

卷七

公署

六

桐梓縣城守營署 在縣城北門內卽舊駐右營守
備康熙初改駐千總二十八年移右營遊擊駐防府
歸貴州奉裁遊擊撥把總駐防乾隆四十六年添設
松坎汛移城汛把總駐其地另撥千總來守
桐梓縣松坎汛駐防署 舊係外委駐獅溪口乾隆
末移今地以把總易之道光十一年署圯於水把總
陳澍頌項補修其獅溪舊署卽今塘房
綏陽縣城守營署 在縣治
仁懷縣城守營署 在縣治
仁懷縣溫水汛駐防署 道光十八年平溫水逆匪

題撥千總駐防

乾隆五十年奉

欽頒行軍紀律

一兵丁隨征勦賊俱應奮勇直前其見賊退走者不過各惜身命心懷畏怯試思臨陣退走律應斬首示眾若能殺賊立功必蒙陞賞卽或陣亡

國家自有卹典子孫俱得邀恩兵丁等與其臨陣畏葸難逃國法何如爭先殺賊奮不顧身况勇往向前未必卽死一經退後斷不得生此理甚明該管將備等平時將此諄切告誡務令兵丁等咸知大義臨陣時自必勇氣百倍可期

遵義府志

卷七

公署

九

殺賊立功

一鳥鎗弓箭最為行軍利器若兵丁等臨陣時尙未見賊

遠將鎗箭施放及至交戰火藥箭枝俱已用完無以禦敵

卽同束手待斃關係甚重凡領兵將備平日務須嚴加講

習令兵丁於臨陣遇賊鎗箭可及之處不先不後一齊施

放庶鎗箭隨聲應手皆獲實用

一行軍攜帶軍裝火藥俱應在帳房收貯毋令潮濕卽或

途中遇雨亦須嚴密遮護庶遇賊緩急可用凡帶兵將備

等須嚴加曉諭勿致潮濕或需烘烤以致臨時貽誤重弓

箭鎗刀等項平時尤須修整堅利不得廢弛

一臨陣對敵倘遇將領受傷隨從兵丁更當奮勇直前竭

力救護若兵不顧將各惜身命觀望退阻最為惡習亟應

申明軍紀俾眾知悉凡有將領受傷兵丁不卽時救護竟

致潰散脫逃者卽查明按名處斬其能奮勇保護者立

卽議功優賞以示鼓勵該管將備等平日尤當愛惜士卒

臨時賞罰公平庶兵將同心合力所向無敵

一兵丁對敵乘勝追趕刻不容遲若兵丁等有貪搶賊人

遺棄財物以致賊眾逃遁貽誤不小該將備等於領兵臨

陣時務須通行曉諭違者卽依律治罪庶兵丁等各知

遵義府志

卷七

公署

十

一營卡最關緊要凡領兵將備等務須嚴飭坐卡兵丁輪

班防守留心偵探毋得怠惰偷安卽探察有事只須選派

明幹一二人密行飛稟餘仍嚴整坐守毋許輕動無事時

不許高聲叫喊致亂營規違者俱照軍法處治

一兵丁遇有調撥自當恪守軍令卽時進行如敢騷擾地

方欺壓良民蹂躪田禾搶掠財物等事應卽按律從重治

罪該管將備等平日加意教誡臨時尤當嚴行約束無許

違犯

一兵丁奮勇殺賊應與獎賞但恐兵丁等希圖冒功任意

朦混不可不預為防範凡軍法將他人戰功冒為己功及

疏稱實効力將無作有以輕報重者斬該管將備等應隨時曉諭親自稽查俾立功者得賞冒功者治罪以期核實

一行軍馬駝最宜愛惜凡兵丁等牧放須揀擇水草吊騰須按照時候遇有疲乏加意調養夜間尤宜小心看守偶有遺失須立時尋獲至所挖井泉不許污穢飲馬各挨次序無許爭先以致壅塞如有違犯立即重懲不貸

一割營後巡邏防守毋得疎懈夜間不許無故行走帳房內更娶小心火燭遇有驚報靜聽將令不得輕舉若奉有密令須各自遵守毋得私相漏洩該領兵將備等尤宜申

遵義府志

卷八

公署

三

明號令隨時曉諭不得疎懈

諭國家建立營伍修明武備全在平時訓練精熟方能得用惟承平日久各省駐防綠營將弁不免自耽安逸諸多廢弛各該管大員果能竭力整頓隨時認真操練自能使營務日有起色著通諭各將軍都統督撫提鎮於駐防綠營將弁士卒督率練習務期一日有一日之功一兵有一兵之用斷不可任其萎靡不振無裨戰守經此次訓勅之後倘不痛懲惡習實心振作以致兵力漸形軟弱經朕覺察定將該管大員無論現任歷任一併從重治罪決不寬恕該將重督撫等身受重懲其各加意策勵簡練精嚴以

副朕整飭戎行諄諄告誡之至意併著將此旨各錄一道實貼衙署或教場俾觸目警心日久毋懈欽此

公署舊蹟

遵義府

察院行臺

在府治前右今廢陳志

總兵府

在東門外今廢陳志按今之總府垣即舊址

參將府

川志作在東門外今廢陳志按舊址當在今

中營溝

分司 在學道行署右有堂前露臺後後堂堂左有

小樓為花廳露臺前戒石坊又前役房周垣以石頭

遵義府志

卷八

公署

三

二門俱備康熙二十三年五屬捐置陳志

威遠衛 在治東前後中三所鎮撫司孫陳志

志今裁

府倉 在治右

茶倉 舊設今廢孫陳志

照磨所 今裁舊川志

司獄司 在治前甬外右並孫志未設官舊川志

陰陽學醫學 在治前

僧綱司 在治左大士閣

道紀司 在治後玉皇觀並孫志

遵義縣

陰陽學醫學 僧會司道會司並舊志 永安公館舊志

楊應龍莊宅舊志 規制宏麗民居未有孫蒙子公館志

白石公館孫志

正安州

舊城故治 萬曆平播設州知州艾應申建治正堂

居中扁曰忠愛堂前有露臺列戒石坊臺下甬道東

西吏舍又下儀門左土地祠右獄層臺為譙樓正堂

後後堂榜曰飲涵堂側為庫左為吏目廳右為同知

廳大門外為申明旌善二亭孫志

遵義府志

卷八

公署

三

陰陽學醫學 僧正司道正司燬

桐梓縣

陰陽學醫學 僧會司道會司 本府行署 志載

今按在城東門內 同知行署 今按在松坎沙灣

土人名曰官衙 南溪公館 蒙渡公館以上舊志

魏岡公館孫志 松坎公館 夜郎公館邱志

綏陽縣

陰陽學醫學 僧會司道會司俱燬 長灘公館燬

舊志 鄭場公館陳志

仁懷縣

陰陽學醫學舊志 守備司孫志 僧會司道會司陳志

使館 葫蘆公館 土城公館 甕平公館陳志

館無使

遵義府志

卷八

公署

四

遵義府志卷七

遵義府志卷八

壇廟寺觀附

古者封內之祭禮詳八蜡傳著四鄰凡所以為民也
國家至治馨香百神受職崇德報功禮從優厚今冀郡
中正祀使成民致力者思何以格於神明福茲黎庶
至於里巷供奉所存多多誠有如唐志所云蜀俗好
事鬼神尤多忌諱者然民誠所寄難概芟削略擇著
者附其後焉亦使斯民知敬神而遠其道固不在彼
也

遵義府

遵義府志

卷八

壇廟

社稷壇

遵義縣附府合祭

在城外南萬曆四十年春知縣

王之楨重修在府城西門外按今在西門內府

署後山丁

大清會典直省府州縣名擇爽塏之地建社稷壇均北向

歲以春秋仲月上戊日為民神報會城明總督若巡

撫主之道官分治各府者於所治主其祭其餘府州

縣皆正官將事以各學教官糾儀生員充禮生會城

以丞倅府州縣以椽史執事祭日鷄初鳴承祭官以

下咸朝服齊集黎明贊引禮生二人引承祭官詣壇

洗所盥洗通贊禮生贊執事者各司其事以下自迎神至望

皆唱贊贊引禮生贊就位引承祭官階前拜位立引班

禮生二人分引陪祭官文武西朝班與外省各就拜

位序立迺迎神贊引贊升壇引承祭官升壇詣香案

前司香跪奉香贊引贊上香承祭官三上香贊復位

引承祭官降復位贊跪叩興以下行禮承祭官行三

跪九叩禮陪祭官皆隨行禮奠帛初獻爵司帛奉篚

進跪奠篚司爵奉爵進獻爵奠正中皆退司祝禮生

至祝案前跪承祭官暨陪祭各官皆跪司祝讀祝畢

詣神位前跪安於案叩如初退承祭官暨陪祭各官

行三叩禮亞獻爵奠於左終獻爵奠於右均儀如初

遵義府志

卷八

壇廟

獻迺徹饌送神承祭官行三跪九叩禮陪祭各官皆

隨行禮司祝奉祝司帛奉帛恭送瘞所承祭官轉正

拜位西旁東面候祝帛過復位引至望瘞位望瘞贊

引告禮成引退散皆退

雍正十年

頒行社稷壇祀典築城之南郊座向北方地廣袤二畝有

奇壇方二丈五尺高二尺四寸出陛各三級壇前九

丈五尺東西南各五尺周繞以墻石至長一尺五寸

方一尺埋於壇上正中近南二尺五寸露圓尖於外

神牌以木為之高二尺二寸闊四寸五分座高四寸

五分闊八寸五分朱漆青字祭畢藏之牌一書酬社之神居東一書酬稷之神居西每歲仲精上戊日致祭陳設爵三篚二帛黃色各長一丈八尺俎二羊豕簠二黍稷簋二稻粱劔二和羹邊四形鹽彘魚棗栗豆四韭菹醢醢菁菹鹿醢香燭儀注與文廟同無堂為升壇祀文曰維神奠安九土粒食萬邦分五色以表封圻育三農而蕃稼穡恭承守土肅展明禋時屆仲精敬修祀典庶芄芄松柏鞏磐石於無疆翼翼黍苗佐倉箱於不價尚饗

神祇壇遵義縣附在城外東萬曆四十年春知縣

遵義府志 卷八 壇廟 三

王之楨重修志在府城西門外通按今在鳳朝關東

東壇均

大清會典直省府州縣各建神祇壇中設雲雨風雷之位

左設本境山川之位右設本境城隍之位歲以春秋

仲月諏日致祭孟夏諏日行常雩禮如常雩後不雨

自督撫至州縣咸率所屬致齋修省虔禱神祇為民

請命既應而報陳設禮儀均與春秋常祭同若久雨

祈晴冬旱祈雪禮亦如之

雍正十一年

頒行神祇壇祀典築城之北郊座向南方也壇制度與社

稷同無石神牌一書風雲雷雨之神居中一書酬境內山川之神居左一書酬城隍之神居右每歲仲春仲秋上戊日致祭陳設與社稷同儀注與社稷同無血祝文曰維神贊襄天澤福祐羣黎佐靈化以流行生成永賴乘氣機而鼓盪溫肅攸宜磅礴高深永保安貞之吉憑依鞏固實資捍禦之功幸民俗之殷登仰神明之庇護恭修歲祀正直良辰敬潔豆

先農壇遵義縣附在府城東門外

遵義府志 卷八 壇廟 四

國朝雍正五年奉

旨建通志藉田在東隅里二甲雍正五年知縣顧捐置每

歲收租銀二兩二錢除糧銀二錢一分三釐六豪以

為盞盛之用現在藉田收穀八石二斗不敷銀赴司

領冊按今在白田垣總會廟側

大清會典凡饗先農之禮奉天府尹直省督撫率所屬府

州縣均歲以仲春吉亥行耕藉禮各于治所東郊建

先農壇朝服行禮用帛一羊一豕一劔二簠各二

邊豆各四尊一爵三餘儀與直省祭社稷壇同禮成

更采服率屬行耕藉禮

直省耕藉之禮奉天府及直省府州縣於東郊先農

壇側擇地為藉田歲仲春吉亥既有事於先農廼行耕藉禮省會營撫秉耒府佐貳一人奉青箱一人播種司道秉耒縣佐貳奉青箱播種府縣秉耒首領雜職官奉青箱播種各府州縣如之專城衛所正印官秉耒掾史奉青箱播種采服每歲收穫以供祭祀之粢盛督撫以奉行耕藉日期具疏以

雍正四年

頒行先農壇祀典藉田四畝九分壇高四尺一寸寬二丈五尺壇後建正房三間配房各一間正房中間供奉

遵義府志

卷八

壇廟

五

神牌東間存貯祭器農具西間收貯藉田米穀配房東間置辦祭品西間令看守農民居住壇廟藉田之外周圍築土為牆門南向神牌與社稷同紅牌金字填寫先農之神農具赤色牛黑色耕種箱青色所用耕種悉照各處土宜每年仲春月候禮部頒吉期舉行陳設儀注與社稷同各官穿朝服行禮換蟒袍補服耕藉正印官秉耒佐貳執青箱播種用耆老一人牽牛農夫二人扶犁九推九返農夫終畝耕畢各官率耆老農夫望

闕行三跪九叩禮祝文曰維神肇興稼穡粒我蒸民頌思

文之德克配彼天念率育之功際常時夏茲當東作咸服先疇洪惟九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥常沐於神麻庶幾九穗雙岐上瑞頻書乎大有尙饗

乾隆七年 頒行零祭禮每歲孟夏行常零禮不另立零壇即於先農壇行禮並合配社稷山川諸神牌位祝文

乾隆九年 頒行

詔命撫育羣黎仰體

彤廷保赤之誠勤農勸稼俯惟葑屋資生之本力穡服

遵義府志

卷八

壇廟

六

田令甲爰頒聿舉祈年之典惟寅將事用申守土之忱黍稷惟馨尙冀昭明之受賜來牟率育庶俾豐裕於蓋藏尙饗

乾隆七年

頒行祭禮歲祭零祈雨潦則祭祭城門祈晴祝文曰恭膺

詔命臨民職司守土惟兆人之攸賴並藉神功冀四序之常調羣蒙福蔭必使雨暘應候爰占物阜而民安庶其寒燠咸宜共慶時和而歲稔仰靈樞之默運聿集嘉祥襄元化以流行俾無災害尙饗

厲壇禮義附 在城外北陳按今在北門外昭忠
祠後

年

頒行厲壇祀典每歲春清明日秋七月望冬十月朔致祭

先期三日主祭官齋戒補服備香燭酒果詣城隍廟

就位一跪三叩詣神位獻爵讀告文復位一跪三叩

禮畢陳設城隍牌位設于壇上祭物用一羊一豕饌

與社稷同無帛無祀鬼神牌位設於壇下左右相向

祭物用一羊一豕解作設置於磁盤酒三湯三飲五

肉五儀注承祭官就位一跪三叩詣城隍牌位前跪

遵義府志

卷八

禮廟

七

獻三爵興復位一跪三叩禮畢告城隍文曰某縣遵

承禮部劉付為祭祀本縣無祀鬼神該欽奉

皇帝聖旨普天之下后土之上無不有人無不有鬼神人

鬼之道幽明雖殊其理則一今

國家治民事神已有定制尚念冥冥之中無祀鬼神昔

為生民未知何故而沒其間有遭兵刃而死者有死

於水火賊盜者有被人取財而逼死者有被人強奪

妻妾而死者有遭刑禍而負屈死者有天災流行而

瘟疫死者有為猛獸毒蛇所害者有為饑饉凍死者

有因戰鬥而殞身者有因危急而自縊者有因牆屋

傾墮而壓死者有死後無子孫者此等鬼魂或終於

前代或沒于近世或兵戈擾攘流移于他鄉或人烟

斷絕久缺其祭祀姓氏泯沒于一時祀典亡闕而不

載此等孤魂死無所依精魄未散結為陰靈或倚草

附木或作為妖怪悲號于星月之下呻吟于風雨之

時凡遇人間節令心思陽世魂杳杳以無歸身墮沉

淪意懸懸而望祭興言及此憐其慘淒故勅天下有

司依時享祭命本處城隍以主此祭鎮控壇場鑿察

諸神等類其中果有生為良善誤遭刑禍死于無辜

者神當達于所司使之還生中國永享太平之福如

遵義府志

卷八

禮廟

八

有素為兇頑身免刑憲雖獲善終亦出僥倖神當達

於所司屏之四外善惡之報神必無私欽奉如此今

某等不敢有違謹于某年某月某日于城北設壇置

備牲酒湯飲享祭本縣無祀鬼神等眾然幽明異境

人力難為必須神力庶得感通今特移文於神先期

分遣諸將召集本縣闔境鬼靈等眾至日悉赴壇所

普享一祭神當欽承

勅命鎮控壇場鑿察善惡無私昭報為此合行牒移請照

驗欽依施行祭無祀鬼神文曰維年月日具官某等

遵承禮部劉付為祭祀本縣闔境無祀鬼神等眾事

該欽奉

皇帝聖旨普天之下后土之上無不有人無不有

人

鬼之道幽明雖殊其理則一故天下之廣兆民之眾必立君以主之君總其大又設官分職於府州縣以各長之各府州縣又于每百戶內設一里長綱領之上下之職綱紀不紊此治人之法如此

天子祭

天地神祇及天下山川王國各府州縣祭境內川山及祀典

神祇庶民祭其祖先及里社土穀之神上下之禮各有等第此事神之道如此尚念冥冥之中無祀鬼神

遵義府志

卷八

增廟

九

昔為生民未知何故而沒其間有遭兵刃而橫傷者有死于水火盜賊者有被人取財而逼死者有被人強奪妻女而死者有遭刑禍而負屈死者有天災流行而瘟疫死者有為猛獸毒蛇所害者有饑餓而凍死者有因戰鬥而殞身者有因危急而自縊者有因牆屋傾墮而壓死者有死後無子孫者此等孤魂或終于前代或沒于近世或兵戈擾攘流移于他鄉或人煙斷絕久缺其祭祀姓名泯沒于一時祀典亡闕而不載此等孤魂死無所依精魄未散結為陰靈或倚草附木或作為妖怪悲號于星月之下呻吟于風

雨之時凡遇人間節令心思陽世魂杳杳以無歸身

墮沉淪意懸懸而望祭興言及此憐其慘悽故勅天

下有司依時享祭在京都有泰厲之祭在王國有國

厲之祭在各府各州有郡厲之祭在各縣有邑厲

祭在一里又各有鄉厲之祭期于神依人而血食人

敬神而知禮仍命本處城隍以主此祭欽奉如此今

某等不敢有違謹設壇于城北以三月清明日七月

初十日置備牲醴羹飯專祭本縣合境無祀鬼神等

眾靈其不味永享此祭凡我一縣境內人戶倘有忤

逆不孝不敬六親有姦盜詐偽不公法者均曲詐直

遵義府志

卷八

宣廟

十

欺壓善良者有躲避差徭靠損貧戶者似此頑惡姦雄不良之徒神必報于城隍發露其事使遭官府輕則笞決杖斷不得號為良民重則流徒絞斬不得生還鄉里若事未發露必遭陰譴使舉家並染瘟疫六畜田蠶不利如有孝順父母和睦親族畏懼官府遵守禮法不作非為善良正直之人神必達於城隍陰加護佑使其家道安和農事順遂父母妻子保守鄉里我等台州官吏如有上欺朝廷下罔良善貪財作弊蠹政害民者靈必無私一體昭報如此則鬼神有監察之明官府非諛諂之祭尚

饗

關帝廟 有三祀漢壽亭侯關公一在城東街萬歷三十九年遵義道李芳重修一在城外北五里一在樓山關四十九年二月知府孫敏政行遵桐二縣重修五月十三日郡人祀之志

國朝順治元年

詔諡忠義神武關聖大帝後加靈佑二字雍正三年

詔追封三代曾祖光昭公祖裕昌公父成忠公乾隆二十五年

詔改諡神勇三十三年

遵義府志

卷八

皇朝

七

詔諡忠義神勇顯佑嘉慶十九年

詔於忠義神武靈佑六字外敬加仁勇二字廟今在城東門

內小十字街

大清會典凡祀關帝之禮歲以春秋仲月諏吉官祭關帝

於地安門外之西關帝廟仲夏中旬三日歲遣官致

祭前殿後殿直省府州縣春秋二仲及仲夏中旬三

日均祀關帝牲帛禮儀均與祭京師關帝儀同

雍正五年

頒行武廟祀典每歲仲春仲秋陳設帛一爵三牛羊豕核

桃荔枝龍眼棗栗儀注祭日贊引生引承祭官進左

旁門至盥洗處贊引贊盥洗盥洗畢引至殿內行禮

處站立典儀生唱執事者各司其事贊引生贊就位

引承祭官就位站立典儀生唱迎神司香生捧香盒

就香爐左邊立贊引生引承祭官就香爐前立贊引

生贊上香司香生跪捧香承祭官立將柱香接舉插

爐內又將塊香上三次畢贊引生贊復位引承祭官

復原位站立贊引生贊跪叩興承祭官行三跪九叩

禮典儀生唱奠帛獻爵行初獻禮捧帛爵生將帛爵

捧舉各就神位前贊引生贊奠帛捧帛生跪獻畢行

三叩禮退獻爵執爵生立獻畢退讀祝生至安祝文

遵義府志

卷八

皇朝

七

棹前行一跪三叩禮將祝文捧起立贊引生贊跪承

祭官跪讀祝讀祝生跪讀祝畢捧至神位前跪安盛

帛盒內畢行三叩禮退贊引生贊叩興承祭官行三

叩禮立典儀生唱行亞獻禮執爵生照初獻禮獻畢

退典儀生唱行終獻禮執爵生自案右邊照亞獻禮

獻畢退典儀生唱徹饌送神贊引生贊叩興承祭官

行三跪九叩禮立典儀生唱捧祝帛各恭詣燎位捧

祝帛生各至神位前行三叩禮將祝帛捧起依序捧

送時贊引生引承祭官退至西邊立候捧祝帛各生

過畢復位站立贊引生贊詣望燎位引承祭官至燎

爐前焚祝帛贊引生贊禮畢引承祭官退祝文曰維
年月日具官某致祭於忠義神勇顯佑關聖大帝曰
惟帝浩氣凌霄丹心貫日扶正統而彰信義威震九
州完大節以篤忠貞名高三國神明如在徧祠宇于
寰區靈應丕昭薦馨香於歷代屢徵異蹟顯佑羣生
恭值嘉辰遵行祀典筵陳籩豆式奠牲醪尙饗後殿
陳設與關帝同無牛羊儀注與關帝同承祭官進中
門復位送神二節行二跪六叩禮祝文曰維公世澤
詒麻靈源積慶德能昌後篤生神武之英善則歸親
宜厚尊崇之報列上公之封爵

遵義府志 卷八 壇廟 三

錫命攸隆合三世以肇禮典章明備恭逢諏吉祇事薦馨

尙饗

文昌廟 在宣慰司治東鳳山上宋建後重修明統

在城東門外一里知府孫敏政重修孫歲以二月初

三日爲帝降誕士民家祀之陳在府治中按今在

府學宮左

嘉慶七年

頒行文昌宮祀典前殿牌面寫文昌帝君神位後殿牌面

寫文昌帝君先代神位每歲春以二月初三日聖誕

爲祭期秋以欽天監選定吉日爲祭期陳設與武廟

同儀注與武廟同祝文曰維神蹟著西垣樞環北極
六匡麗耀協昌運之光華累代著靈爲人文之主宰
扶正久彰夫感召薦馨宜致其尊崇茲屆仲秋用昭
時祀尙其歆享鑒此精虔後殿陳設儀注與武廟後
殿同祝文曰祭引先河之義禮崇反本之思矧夫世
德彌光延賞斯及祥鍾累代炯列宿之精靈化被千
秋緯人文之主宰是遵後殿用荅前麻茲值仲秋肅
將時祀用伸告潔神其格歆

勅封燮元贊運警化孚佑真君春秋崇祀 遵義府志 卷八 壇廟 四

呂祖廟 在城東門外嘉慶十一年

城隍廟 舊在丁字口明萬厯間改建于治北知府

孫敏政重修廟有堂廡正殿左右廊廊列各屬城隍

本廟土地門甬壯麗遵依洪武二十六年著令合祭

神號曰府城隍之神歲以春秋二仲附祭于山川壇

風雲雷雨山川居左城隍居右每厲祭則主之宣德

八年定制新官到任以羊豕各一祀于城隍廟又凡

旱潦祈報必虔告之孫陳在府城內按廟在祝釐

寺右康熙三十九年府通判楊彩補修有碑記

忠義孝弟祠 在府城南門外志 大清會典凡祭昭忠祠之禮直省府州縣各立忠義孝弟

祠祠內設本鄉忠臣義士孝子悌弟各牌位所在有司歲以春秋致祭用帛一羊一豕一爵三尊一承祭官行禮儀與祭省會賢良祠同

節孝祠 在府城東志通

昭忠祠 初在桃源洞右外道光二十年知縣楊書魁移建北門外新

大清會典凡祭三等零祀社稷為大祀先師孔子先農先蠶天神地祇太歲為中祀先賢等賢良昭忠等祀為羣祀

凡祀期

春秋二仲祈報社稷以戊釋奠於先師以丁仲春饗先農以亥遇天寒用季春昭忠祠及羣祀皆小吉祭日均質

明行事

凡牲四等社稷太牢配位同神祇均太牢先師先農之祀如之配位少牢羣祀如之牛色尚黝大祀入滌九旬中祀三旬羣祀一旬

凡樂四等七奏以祭社稷饗先農如之六奏以饗先師祀神祇如之

凡祝版祭社稷白質墨書太歲以下均白質墨書

凡祭器社稷玉爵配位用陶先農陶爵豆登簋簠

遵義府志 卷八 壇廟 七

尊同

凡齋戒大祀三日中祀二日

頒勅羣臣誓戒百執事恭書於版王公陳設於府第文武

官陳設於公署王公百官均於私第致齋齋戒之日

不理刑名不燕會不聽樂不入內寢不問疾弔喪不

飲酒茹葷不祭神不掃墓有疾有服者皆弗與

凡直省壇廟各督撫飭守土官察其境內之應修者

計費申報咨部動項葺治工竣請銷其祭器未備以

及歲久殘闕者亦飭有司按數修造以供祀事嶽鎮

海瀆神廟及先聖先賢名臣忠烈祠宇有傾圮應修

遵義府志 卷八 壇廟 六

者地方有司動本省公項葺治報部覈銷

遵義縣

城隍廟 在城內三洞橋大有倉右嘉慶

重修

崇德廟 在宣慰司治南二里祀蜀郡守李冰明統

邵人以六月二十四日神誕祀之志

蠶神廟 在城外鳳朝關側中祀先蠶旁即陳公祠

祀知府陳玉璧郡人月日九月十五日祈報

禹王廟 在城東門外鳳朝關側

普澤廟 在宣慰司治南二里祀合瀘刺史趙延之

明統按神唐大歷中領巴州令兼鎮南軍馬使以平資瀘夷亂授合瀘刺史按部終于壁山邑人祀之水旱禱輒應封威烈侯宋慶曆間賜號普澤累封英顯廣利公洪武初載在祀典歲以七月十二日因神降誕有司具牲醴致祭孫按宋朱炎合州普澤廟記引圖經云延之大歷中任巴川縣令兼南鎮軍兵馬使時資瀘夷賊寇掠縣境延之領兵襲之以功授合州刺史兼渝合資瀘等州經略巡撫使常巡歷至渝州壁山寨見石壁上隱隱若有人形因以香酒奠之後疾終於此邑人為之立廟禱有靈應咸通二年夷賊

遵義府志

卷八

聖

壇廟

壇廟

卷八

十七

攻通州城告神為援賊眾奔敗人見甲兵洶湧爭往馳逐蓋神陰助也聞奏封威烈侯
忠烈廟 祀武翼大夫楊燦宋度宗賜額忠烈明統志
忠顯廟 祀武功大夫楊玠宋度宗賜額忠顯明統志
以上二廟俱載通志今廢孫志
穆家廟 在丁字口川主行祠闔郡嚴祀孫志
高崖祖廟 在城外通志二十里舊川志用祀川主行神郡人更祇祀之孫志一云二郎廟祀蜀郡守李冰歲以六月二十四日郡人家祀之志按廟在城東十里山嶺特峙雄壓諸峰相距二里許名虎頭峰乃

故所稱高巖後移以稱此山廟為唐貞觀八年創建祀蜀太守李冰及子二郎乾符中補修自後修葺無攷明萬曆四十六年戊午遵義知縣劉人表崇禎四年辛未四川按察使盧安世

國朝康熙三十二年癸酉總兵王國忠五十一年壬辰總兵魏相知府王元弼並重修有記乾隆三年戊午知府蘇霖泓復整祀田重加增拓迄今遞有修補遵義五屬川主廟無三里茂有惟高巖山獨古歷代以來多著靈應崇禎壬午癸未間獻賊欲屠遵義神顯靈退賊郡以獲全事載王國忠記甚詳按國忠記今漫漶不可識

遵義府志

卷八

十七

壇廟

此據心齋隨筆言復不詳聞者老言張獻忠遣李錫子來啓遵義道經高巖則見陰雲蔽空蜀守持三尖刀指賊曰若傷吾一百姓爾身俱斷賊胆落遂逃走此雖未定本國忠所記要必有此事非臆造之說
知人心棟敬盡肅向此山而蜀守為民捍禦之精神亦即焄蒿悽愴於其上宜其異也
附 陳盟撰修廟記輔世而剪克害幽而奠境父民是其生為名臣為卓宦而聲華炳煥於當代也則宜其沒為上真為明神廟貌祠之血食奉之而精爽昭於異世也則尤宜昔在漢初有李公為吾蜀益州守冰其諱也德政並懋當時小神作祟川波泛壅大貽民害公奮然殪之於江俾厥安流

遵義府志

卷八

六

其事甚奇功甚著濯既之利迄今千數百年蜀民猶食其澤而公之英靈亦遠與厥功不磨迄今千數百年蜀民所以崇奉尸祝之者閱唐宋至我皇明猶凜凜如一日是以三川形勝之地往往建宇以像公而夜郎之東距城二十里高峰岷岷俯矚萬山臺閣巋然呼吸六虛有公祠在焉凡夜郎之民歲時蒸嘗者趾相錯於途則以公之靈爽較他處尤著而廐庇斯土者非伊朝夕之故也曩自公麼弄兵遵城千里烽燧縱橫一時琳宮梵剎鮮不罹于燹而斯祠獨存其殆公之明威有以懾蛇豕

之克焰而悸其膽乎於時監督憲副環水盧公蜀鎮朝石侯公遵鎮春字劉公協鎮信吾陳公勦蘭撫黔首復遵城掃天狼而集鴻雁歌狸首而草鴉音廢墜俱舉百度維新幸公祠之獲存而傾圮未葺於遵民安佑之意既弗愜且規制湫隘于國家崇報之典又弗光乃相與捐俸而改初之堂寢廡室皆倍於舊且買田若干畝供四時焚獻之需用以順民志而答神庥也落成之日予適因展擁賜假旋里盧公移書俾予記之予於是有感焉夫有嚴有赫好是正直神何求於世而世自求之豈非

遵義府志

卷八

九

功德在人不可忘耶然則內而卿相師保外而岳牧連帥遵庇民豐功茂績各循其職而不求人知然而人自稱誦於身前且思慕於身後者又何以異於神耶嗟乎鼎衝鈞軸大纛高牙世豈乏貴顯哉廼生而碌碌沒而泯泯其於世道無分毫補以此事神神其吐之今四君勘定之勳偉於茲土輯懷之澤洽於群心詩云愷悌君子神所勞矣則神之保釐凋敝與四君之膏沐瘡痍其餘休均未有艾吾知其並垂不朽矣是為記蘇霖泓重修廟記傳曰能禦大災則祀之能捍大患則祀之祀神之典亦綦重矣考蜀志高巖山川主之神為隋嘉州太守多惠政能入江斬蛟以除水患唐封神勇大將軍又封赤城王立廟灌口宋張詠治蜀因亂禱祠乃得神助事平以聞封川主清源妙道真君神之福利斯民彰彰如是又聞諸父老明末流賊屠戮兩川幾無噍類賴川主之神於桐梓縣婁山關特顯靈異以遏其鋒故賊不敢入遵郡獨全至今士民祀之甚謹予自軍前給假回郡辦理平糶時至初夏久旱無雨亢陽為厲農事未舉憂心如熾謀及士庶僉云禱高巖山可得雨必竭誠乃

應於是齋心滌志率僚屬步禱於山焚牒以告為
斯民陳疾苦甚切是夕陰雲密布雷始發聲大雨
如注竟夜乃止次日河水橫流四野沾足農耕於
田工歌於市米價遂平民心俱悅拊神之庥理當
報祀於是東帛牽牲製額以謝近山紳士耆民咸
集廟內予見棟宇傾頽樹木零落詢之士庶供出
廟祝李常清跋扈此山佔踞祀田竟為已業砍伐
樹木賣以罔利並不焚獻因至廢弛乃飭縣尉公
同地鄰於常清名下祭出祀田三處糧銀界至踏
分楚楚更簽司祝敬謹焚修以其事申諸方伯勒

遵義府志

卷八

壇廟

三

石以垂不朽夫神無常享享於克誠民之秉彝好
是懿德自甘霖沛而農事舉廟田清而祀典具興
情允洽民氣以和祈報者踵相接也修廢之心油
然以起予因捐俸為之首倡樂輸者從便乃拓其
階墀使之爽塏加以丹雘重其觀瞻匪惟崇德報
功以示儆末俗俾知巍巍者山明神在上鑒我愚
誠介爾景福凡厥庶民殷勤於作善降祥之理孝
友姻睦敦行不倦出入息含哺鼓歌庶幾災沴
全消雨暘時若熙熙皞皞優遊太平之世是則神
之賜也亦即予之志也

李忠宣廟 祀元安西行省左丞贈尚書右丞諡忠
宣李德輝元史傳云至元十七年德輝被命在播卒
蠻夷聞訃哭之哀如私親為位而祭者動輒千百人
播州安撫使此間當有何彥清率其民立廟祀之善
政詳宦績廟今無存

五公祠 前明在桃源洞口建三公祠祀平播功臣

李化龍王象乾崔應麒志孫後廢康熙五十五年通判

胡期恆重建祀李化龍劉綎名二公祠並設神位知

府于方柱始自他祠移劉綎像祀此志通乾隆四十四

年知府張景宗增祀崔應麒王象乾郭子章而移綎

遵義府志

卷八

壇廟

三

原像於旁楹是為五公祠

附張景宗復建桃源祠記播川唐乾符時為南詔

所陷楊端應募復之遂世有其地傳至有明楊應

龍以叛誅方建郡邑其時長垣李公化龍總制川

湖貴州督八路總兵官百有十四日而應龍滅首

功則推都督劉公綎而善後其事者在蜀則總督

王公象乾在黔則巡撫郭公子章其詳載之史策

景宗於乾隆戊戌秋以平越守移署遵義均播境

也案牘餘閒時懷往事見郡東郭間山半石壁劃

通劈開勝致山影如屏波光似鏡憑軒遠眺頗豁

心目未知所昉而亦托名於武陵之仙源洞中祠
宇三楹僅有一像歸然獨在則所謂劉將軍者也
余甚詫焉平播之役師武臣力省吾洵為露布冠
而李于田經緯雄才機權猷出將得其用士盡其
能郭相奎單騎入黔剋期奏凱十年留鎮善後攸
宜王霽宇繕城郭立學校簡任賢俊撫綏流離均
未可泯也因閱省志則桃源洞舊有銅標紀平播
功洞口有三公祠祀平播總督李公化龍王公象
乾按察崔公應麒前明所建久之並廢

國朝康熙五十五年通守胡公期恆重建二公祠唯李

遵義府志 卷八 壇廟 三

襄毅與劉少保並祀焉至祠中原像則又因二公
祠久廢前太守于公方柱特於他祠移祀耳夫播
平迄今未二百年而缺略若此薦紳人士類能攷
之史冊而樂壤羣黎不復知李郭為何人將並不
知劉將軍為何人也爰即古祠仍設三公之位而
郭公恩著黔省是郡現隸於黔故並崇祀劉公原
像則移之旁楹存其舊也楹前敬刊奉

勅纂修明史節錄李少保傳贊揭之於石匪直紀功彰善禮
惟宜之而游盼之餘時焉瞻仰將念復嶺重江鬱
茲雄郡妖氛陣雲消為和風甘雨流離墊隘因以

天后廟 在城內大十字街

馬王廟 一在城南門內一在城內火神廟側

三官廟 在城東門外萬壽橋上

真武廟 在城東門內關帝廟右

三聖廟 在城北五里志

黑神廟 在城南獅子橋側祀唐南霽雲一在城西

八十里沙七甲見陳志

蕭公廟 在治東五里祀宋蕭日軒洪武初封英佑

侯者志

張桓侯廟 在城東門外桃源山

遵義府志 卷八 壇廟 三

年前後也

附蘇霖泓撰祠記明都督劉將軍者豫章人也由
南昌衛指揮以戰功晉秩總戎萬厯初播酋楊應
龍叛稱兵向蜀所至摧殘因集三省之師環攻並
舉於時少馬長垣李公總督軍務黔則泰和郭青
螺先生撫其軍劉公授節振旅由偏橋進取賊悉
力守險以拒公奮勇先登所向披靡連破數十寨
直渡烏江賊窘退據海龍望負隅死守復以奇兵
破其巢穴俘賊首獻事平晉階左都督自設官分
職建學明倫以公崇祀名宦春秋配饗報有功也

致播州自楚莊躡略地溯江而上至牂柯達夜郎
皆已內附歷漢唐宋俱通聲教徵辟名賢載諸史
乘及楊氏納土因世其官遂同羈縻播人之不覩
天日蓋數百年雖巨酋不道自覆其宗然非雄武
如公謀勇兼備戰勝攻取一旦削平禍亂烏能復
版圖而敷王化俾土習民恬致有今日之盛者哉
是公之大有造於播也夫伏波之柱尚足壓苗峴
山之碑猶至隆淚公生平功烈於開播為最偉其
精神氣魄磅礴於鳳嶺虎溪間尸而祝之固其所
也予乃因土民之意並江右客眾所請奉公像於

遵義府志

卷八

壇廟

五

東城之上襟帶江河永鎮疆域俾農工商賈奠厥
室家寧爾幹止以生以養優游而享太平之福詎
非保世滋大無疆惟休者與乾隆二年丁巳朱東
啟撥田焚獻記竊照遵邑東門城樓中舊塑有明
時劉將軍諱縉神像當日原有僧人在內焚獻因
無常住田產以致無人看守像貌傾圮本年二月
內清查廢寺查得東七甲永福庵田條糧三錢九
分七厘二毫南又六甲趙氏廟田條糧四錢零東
又十甲虎頭廟田條糧三分平又七甲水口寺田
條糧二錢五分以上五處寺廟久已寺廢僧逃所

遺常住田土向為寺鄰佃戶等侵蝕伏思劉公當
日保全遵義大有功於士民今欲崇隆偉績惟有
將此等廢寺田產撥歸神廟以作焚獻之資業經
詳明各憲批准先行招佃認租每年計可獲市斗
穀石除登印冊永遠遵奉外恐日久淹沒復為佃
戶人等侵奪特勒碑記以誌不朽計開田畝界畔
一處南又六甲趙氏廟田條糧四錢二分田土
一幅 一處東又十甲虎頭廟條糧三分田土一
幅 一處平又七甲水口寺條糧二錢五分田土
一幅地名花水田上抵山腳下抵河坎左抵楊宅

遵義府志

卷八

壇廟

五

田坎右抵楊宅田坎 又楊四田一分上抵寺林
下抵河坎左抵楊宅土坎右抵楊宅田坎 又寺
基山土一幅上抵山頂下抵姚宅坎乾隆十一年
歲次丙寅

劉將軍祠 乾隆中東門樓祠廢縉像移祀桃源洞
中張景宗記所謂洞中屋宇三楹一像歸然者也至
十一年於洞上十步許創祠移像祀之道光二十
年知縣楊書魁復建祠今所移祀祠右距洞口十步
許
王公祠 在府城內祀明遵義知縣王佐聖死土賊

郭士奇之亂故祀之志按祠初建於大士閣左側後廢尚存原址今在三官樓側者康熙三十年佐聖季

子省為邵陽令詳請父入祀名宦三十二年別購地於三官樓側建祠置祀田一分附城隍廟為每年焚

獻勒石紀事三十七年城災祠石俱燬後別設牌位於縣城隍廟常公祠內五十九年於舊祠址重建道光

十三年知縣張瀚中復增靖難鄉勇王尙明丹國柱王之琴牌位配食

宣峰煙王公祠 王選王之琴冉國柱皆永安里人應縣官王佐聖墓為鄉勇頭目崇禎十五年四月吳

上賢之寇各率家丁鄉兵禦于宣峰煙眾寡不敵皆力戰死是年五月里人建祠于戰沒處以三人配食

佐聖請于叛黨絕業中給近田三十畝以供祭賽難列

蔡公祠 在府城大士閣右祀知府蔡毓華志通

常公祠 明末建在今縣城隍廟右側祀知府常三錫通志郡

三皇廟 在府治北志通志作西北

火神廟 一在城內一在城東門外

雷祖廟 在城東門外雷台山

遵義府志 卷八 壇廟 三

豐亭藩昌知當年廓清之烈綏撫之宜良非易緬維嚮往亦得所傳信以不忘其所自始茲境不

第作勝游觀也乾隆四十四年白石口五公祠 在城北八十里大樓山白石口今

移入附近之黑神廟東門樓劉將軍祠 乾隆二年知府蘇霖泓奉祀劉

庭像於城東門樓上十一年知府朱東啟撥廢寺田產歸僧焚獻後廢據張景宗五公祠記言劉少保原

像為前守于方柱自他祠移祀以方柱任守時推之可知此祠廢後其像蓋移之二公祠事在乾隆四十

楊泗廟 在桃源山萬壽宮 在鳳朝閣側

東嶽廟 在城外知府孫敏政重修建一坊志孫嗣齡閣附廟內有碑記歲以三月二十八日為帝降誕郡

人設醮崇祀之志陳五顯廟 在城內正街按靈應集云神以五名即金

木水火土與天地相為本始又專司火政是以里社皆崇奉每以九月二十八日誕晨醮祀之孫按今為

藥王廟在城內大十字街總會廟 在東關外合祀諸廟神祇知府孫敏政助

遵義府志 卷八 壇廟 三

修郡人歲時祀之

正安州

社稷壇 在治東門外

神祇壇 在治北門外

先農壇 在治東門外並州藉田歲收穀九石五斗

厲壇 在治北門外州志

附周大烜正安州厲壇屋記社壇無屋傍佛廬民

居為承祭不蔽風雨珍州社在北郊里許傍鮮屋

椽祭遇雨多係攝行草率從事州正為山川鬼神

遵義府志

卷八

壇廟

五

之主祈報不親何以迓神麻而康黎庶乙巳春社

雨霽粗能行禮州從事蔣君告予社北有厲壇屋

數椽以面牆弗容僕從且將傾若移社北則祭社

祭厲俱堪稍憇遇雨可俟霽成禮一切移費存項

若干可辦予謂善舉宜速即為決旬祭厲為防雨

地蔣君即日鳩工閱旬竣事遙望此山之麓忽新

亭閣宛然點綴及祭厲陰雲將雨然可恃成禮者

有斯屋也社與厲分一壇一屋有司春秋致敬為

數百里士民祈福暇日借賓佐舉酒斯亭不亦有

白蘇遺意乎是為記乾隆五十年

關聖廟 在城內南街乾隆二十一年知州謝之燧

創建正殿三間兩廡六間後殿三間

附李彌高關帝廟碑正安古珍州也不常厥邑于

今五遷自古鳳建治以來幾八十載城垣未葺公

廡草就又安問其他乎官斯土者苟有興作之念

而地瘠民貧每懷靡及丙子夏牧侯謝公來撫是

邦見其屢市參差毫無關鎖宵小易于出入于是

創建四門以嚴啟閉又以北關地脉既接文廟修

之可以興文東關地形鄰于卑缺補之可以致富

又建石橋以垂不朽此非惑于風水之說蓋欲以

遵義府志

卷八

壇廟

五

富且貴者期州之士與民殫厥父母之心已耳今

歲春以武廟舊在城隍廟後非惟地失其制而狹

陋荒涼不容拜跪謀欲更修商之同官暨紳士耆

老捐金而外並及州之士民與客商之好善樂施

者命匠興工啟三月而廟成余嘗聞諸父老言此

地建州之初戶不滿百荆棘碍道鹿豕為穴今則

生齒日繁文明漸起非

聖天子聲教四訖及賢侯牧之維持調護安能至是繼自

今願都人士爭自琢磨風清俗美仰體富貴斯人

之心則戴公之德而荷神之麻其福利寧有窮乎

余忝司鐸雖不工于文時因士民之請而直以其事之顛末勒之貞珉俾後之覽者知斯廟所由託始也乾隆二十二年

文昌廟 康熙初建于州城後山四十一年知州汪

曾垣遷于北門外廟林場乾隆三十九年知州袁治

遷于南門外右山四十二年知州羅才樓復遷于

書院嘉慶六年知州楊皋亮于文廟遺址建復建後

殿祀先代

附周大烜正安州文昌閣碑記珍州地廣數百里

童試近千人

遵義府志

卷八

壇廟

三

國家文教誕敷之時正山陬多士觀光之會而校試州

童殊少愜心刮目究其所以皆人自為學家自為

師士少觀摩官少鼓舞也時學博蔣君王君及蔣

州佐皆同心振作烜謂富而後教須當置義田義

宅以為建舍延師之資爰集紳公議擇其無損于

私有益于公者得宅若干厘田若干畝場市若干

租歲獲金若干兩為師生廩餼之費已有章程州

士人同心樂助建文昌正殿旁舍共數十間武曲

閣一所既祀文星且聯文會絃誦有所揖讓有儀

秀者愈進文明樸者漸更謏陋其氣象迥不同焉

創造方興烜適有平溪之役未及落成善後事宜仔肩更重不能無望于後來然以官民同志文運天開出而與中州士人齒伯仲化苗移俗亦我輩承平時稍舒報效也是為記乾隆五十一年

城隍廟 在城內南街武廟左乾隆十九年知州汪

欵建

火神廟 在城隍廟後乾隆五十二年知州羅才樓

建

東嶽廟 在東門外創自前明原名永興庵

國朝康熙六十一年知州仰聖臺改建門外有老桂二

株輪囷盤鬱頗壯觀瞻

龍神祠 在先農壇後嘉慶十九年知州趙宜霖建

有碑記

龍神祠碑記國之大事維祀與農雨暘勿時官

斯上者有所禱之責焉正安有老龍祠距城東五

十里高山壁立內蘊巨潭灑瀆源洳神龍窟宅祈

求雨澤捷於影響龍之為神昭昭矣先是龍神祠

於州署之內春秋報賽民弗以為便余籍隸南豐

昔牧山右朔州嘉慶丙寅冬奉

旨揀發來黔已巳之秋補授茲土迄今已逾五載久思創建

遵義府志

卷八

壇廟

三

專祠以崇祀典因皆擬銅鉛之役朝令夕行恐未能成厥功是以暫遷神位於先農壇側今秋採辦滇銅差竣回州又將量移安隆有志未逮非所以答神庥也迺集州之耆約度地興功咸稱農殿後山原平衍位正坎離維茲可以奠神宅緣思勾龍爲后土是龍神與農功有呼吸相通之義亟命庀材鳩工而興築焉建祠立宇周築垣墻購料估工需銀二百數十兩今余已先將需費墊發爾士民情願樂輸者登名於簿不足之數余當捐廉以成蓋非徒集腋成裘貞珉永泐亦以見報功崇德舍

遵義府志

卷八

壇廟

三

哺同懷余以因民而事神因神而建廟神以人靈祀以誠格今茲新廟既成將見神之權司霖雨者感而遂通也是爲記嘉慶十九年

禹土宮 在城內南街卽湖廣會館

萬壽宮 在城內東街卽江西會館

萬天宮 在城內西街卽四川會館

老龍祠 在城東五十里洞深淵也神物居之每歲

旱士民禱雨者以蠟封瓶口長竿縛置水中少頃激

湧成聲水入瓶內雨隨瓶起甘雨沛施乾隆四十年

知州汪獻琛修整神殿清查原業復建龍神祠于州

署內嘉慶五年知州素隆額刊碑于州署大門外十九年知州趙宜霖創新祠于先農壇之後並將老龍洞香燈田產基址銘勒于神祠鐘上

三撫老穆相公祠 唐乾符三年太原楊端應募赴

播州平南詔賊退授武略將軍遂居播地有善政後

播人立祠以祀稱爲三撫老穆相公附以嚴唐羅冉

爲四官財神至今徧祀

蠶神祠 州人向不知蠶乾隆十三年吏目徐階平

攜蠶種教以飼織至今資生衣被無窮州人立祠祀

之並州

遵義府志

卷八

壇廟

三

桐梓縣 在城北一里孫城西半里志

社稷壇 在城南一里許孫城北半里志

神祇壇 在治東門外雍正六年建卯藉田歲收穀

先農壇 在治東門外雍正六年建卯藉田歲收穀

四石九斗不敷銀赴司領冊

厲壇 在城北孫志

關聖廟 在城外孫在南門外孫雍正六年建補修

不一地地基乃明侯梁柱捐買一在婁山關志

文昌宮 舊在北門外孫乾隆中建于城南官渡河

右岸道光十八年重修規模校大于昔又元田堪夜

郎關鴨塘並有文昌閣

城隍廟 在治北明同知尹志伊知縣王桂建萬曆

四十年知縣萬建侯因廟制湫陬捐募重建志

國朝知縣賈國樞重修志

虎頭祠 在治西志

崇德廟 在城後虎峰山祀蜀太守李冰宋楊寶建

以後補修不一

普澤廟 在城南七里茹芝堤祀唐經略安撫趙延

之並賈志

馬王廟 在縣署右賈道光十八年重修志

遵義府志

卷八

壇廟

三

五顯廟 在城東南二里魁崖站乾隆末圯賈

禹王宮 在北門內乾隆中建

炎帝廟 在北門內

雷祖廟 在南門外雷台山

萬壽宮 在南門外乾隆中建

萬天宮 一在水堤塘一在松坎一在南溪一在廟

樹堤

總師廟 在峰崖原名龜鳳寺明崇禎七年建

國朝雍正七年重建

三官殿 在城南二里魁崖山上明末建

忠孝祠 在學宮左雍正八年建今圯地為民居

節義祠 在城東大街雍正八年建今圯地為民居

並節志

綏陽縣

社稷壇 在城南門外一里孫舊置西郊二里雍正

十年奉文設立移至先農壇右志

神祇壇 在治南關孫在西門外雍正十年奉文立

東西橫十三丈南北縱十二丈志按今在城西黑神

廟後周圍僅十一二丈攷舊址即今之黃土坎已成

田矣不知何時移此

遵義府志

卷八

壇廟

三

先農壇 在東門外雍正五年建孫藉田歲收穀四

石不敷銀三兩三錢二分赴司領冊

厲壇 在城北三里孫在北門外清明中元二祭各

銀七錢下元銀六錢共二兩在地丁項下支給志

關帝廟 在東門內明萬曆四十年知縣馮士奇建

國朝乾隆二十四年知縣陳世盛查有醜民每年繳縣

山租銀十兩作春秋並五月十三日祭祀之費勒石

為記縣一在城四十里志

附馮士奇新建武安王廟記至以漢室精忠生為

烈士死則明神磊落一時感激千古故凡窮鄉僻

壤無不廟祀非偶然也辛亥冬余奉命水令此土
展謁廟祀曾未有所謂義勇武安王者不覺愀然
興嘆久之夫綏之改土為流凡十有餘年而祀典
之缺已至此乎因出俸薪三十金役哨兵若干人
募邑中之篤行好義若干金選材誼日鳩工興事
經始於壬子之春落成於癸丑之秋其中正殿報
亭前後重門各三楹左右廡廊各五楹至鐘鼓有
樓結義有祠無不金碧輝煌庶可棲神而妥靈矣
時王謨等以前所未有請勒石以誌不朽余按王
夏關龍逢之裔孫也生當桓靈之末迨漢祚式微

遵義府志

卷八

壇廟

三

強臣悖叛曹操虎視乎中原孫權雄據於江左先
主雖帝室之胄以孤軍處二強寇間搖搖如風中
絮謂其能討賊嗣漢誰其信之以故當時智謀勇
略之士若或若攸若瑜肅紛紛然俛首臣妾於孫
曹以赴功名之會疇復知有正統哉孤窮如先主
疇肯相與以有成哉王獨義析麟經分昭逆順與
燕人張翼德委贄先主慨然其誓以興復如雲風
之從龍虎者左右禦侮艱險備嘗舉成敗利鈍有
弗顧焉是其所見者一於輔正故其所許者一於
成仁也既而降于禁戮龐德威令赫然震寰區

曹操謀徒許以避其鋒江東請求婚以結其好使
西南半壁之蜀屹然鼎足庶幾吹灰於復燃此
寧直為萬人敵已哉迄於今二千餘年莫不崇廟
貌陳俎豆即庸人孺子皆能知王之姓名慕王之
忠義其與狙孫鬼操汗名穢行遺臭萬年奚啻天
壤哉余特記諸石碣非直為今日計俾後之繼此
邑者知今日之興修當為後日之頌也觀其
將頌即祠而葺焉庶幾斯廟永永無斁以克遵我
朝表忠崇德之旨詎非有司之職守哉

遵義府志

卷八

壇廟

三

文昌廟 在縣學右上下共六間大門一間知縣鄭
文昌廟 在縣學右上下共六間大門一間知縣鄭
松齡建又鄭場亦有文昌閣並縣志
東嶽廟 在城東孫志
八蜡祠 在明洪武間建里人春秋祈報于此
志今圯縣志
城隍廟 在西門內康熙四十四年知縣秦梁重修
後層地雍正八年知縣唐椿補建復創拜亭大門及
兩廂後築石岸以固基址
附馮士奇城隍廟記謹按祠典能禦大災則祀能
捍大憲則祀城隍司釐保禦民災捍民患衍國祚
於靈長非淺鮮也方今神州赤縣綦布星列未有

守令而無城隍者守令理明城隍理幽理明者賞
罰猶有未徧彼狡僞者猶得逃於法網理幽者彰
瘝無微不燭即狡僞亦無能逃其昭鑒矣辛亥冬
余蒞茲土展謁祠下顧瞻殿宇三楹幾於傾圮悵
然久之第文廟尙未建立卽哨有兵山有木安能
並舉厥工哉今幸文廟落成矣仍責千總郭行達
董其事遴吏中勤謹好施如黎應舉者兼理焉經
始於癸丑冬迄工於甲寅夏兩廊與山門業已告
竣隨列十冥府於廊儼然相向以示神道設教之
意乃青絢麗頗肅瞻仰乃偕僚屬諸君子虔祀後

遵義府志

卷八

壇廟

三

進鄉耆兵民而告曰爾等亦知祀神之道乎夫城
隍者非所謂聰明正直之神耶聰則靡不聞明則
靡不見正者無邪直者無曲有如秉道持操好善
樂業寧樸拙無環狡寧甘貧無欺騙寧循理守義
無飛誣捏詞則神將庇之福之而無不逢吉矣不
然而姦盜公行而恐嚇局騙而巧口引誘起滅詞
訟神且吐之弃之罰不爾贖又何祈禳之足云尹
訓云作善降之百祥作不善降之百殃斯言豈欺
我哉爾等其悚意而聽之

五顯廟

在治東有記縣志知縣唐椿重建

附劉春暘重修五顯廟記五顯神號曰華光大帝
謂五行之靈著莫甚於火故祠以五顯名凡言顯
者神聖之哲號也夫火因時化育以成萬彙其神
固甚昭昭炎帝配之至於三臣嘗有祝融堯有閼
伯相土皆爲火正或食於心或食於味由來尙矣
茲乃五其像而被以後世之衣冠者何耶豈以大
庭一帝及以火正三臣當之也抑以南垣朱鳥七
臣主之耶然於五之數不合也嗚呼議禮紛紛緯
書爭作南方之神其名爲赤熛怒唐之典禮併載
其名是皆方土怪誕不經之說久不可戶說以正

遵義府志

卷八

壇廟

三

論矣余維祠以五名卽周禮小宗兆五帝於四郊
之外吾夫子以之語康子者也因時異地迎之於
郊未嘗屋而祀之也自辛垣平以望氣蠱漢文帝
作廟渭濱五帝同宇於是水火木金土之神不復
兆於四郊或合祠於宮中或合薦於明堂而道家
者流源委不辨誤謂回祿一帝厥有五人遂名以
五顯而不別也夫合五顯於一宮固屬方土之矯
誣然於五帝而專祠一火則未始不可以勵民俗
而捍其災也子太叔曰火烈民望而畏之故鮮死
焉畏則警理固然也若夫神之在上福善禍淫尤

為不爽載在史冊炯若日星也豈可以聽其祠之
圯而不一為葺之也乎侯之捐俸以修之也可以
起民之情而合乎祀典之正矣侯諱椿號東麓以
中書雷知縣事多惠政余樂其工有成也故誌之
川主廟 在城外孫按在西門外三修結庵舊址廟
後即三修墓前有沙棠大數圍云其手植

陳子昂祠 在綏陽縣西其裔孫陳昭遠建

附劉仁臣祠堂記昭遠陳君潼川名士其先系出
射洪以避仇居播萬歷庚子征播余從先大人轉
餉播平落業與陳君居比鄰遂訂交焉陳君性任

遵義府志 卷八 壇廟 甲

俠好古文詞工五七言唐拾遺陳公白玉乃其遠
祖元興元年平章公其九世祖也辛亥秋陳公作
家廟以專祀時余有北平之役閒居九載歸而陳
君謝世矣其子真賞緘過請曰此先君遺命以致
先生者啟函述其創修之意而屬余記其事其略
曰拾遺公之在吾鄉者有老祠堂專祠拾遺公平
章公配焉吾宗以喪亂多散處某不幸避地來綏
三十年祠堂香火斬然久缺某恐旦暮墳溝壑不
獲上先人卹墓憾當何如耶聊構數椽以繼謝洪
之祠焉余謂真曰子知之乎君子將營宮室先立

家廟於正寤之東昭孝思也拾遺在唐為一代文
宗工部詩曰有才繼騷雅哲匠不比肩公生楊馬
後名與日月懸又曰終古立忠義感遇有遺編由
是觀之其文其人拾遺千古如見若翁念祖而修
厥德不隕厥祀此固無窮之孝思也子其勗哉余
因之有慨矣年將就木故園之思刻刻不忘先塋
在此難以舍去今觀仁人孝子之用心而余益滋
愧矣子其時脩而薦享之以不負乃翁之意孝莫
大焉真曰唯唯謹受教乃命厥弟紅以片石書小
楷列諸壁間

遵義府志 卷八 壇廟 甲

里社壇 里人春秋祈報百家一會今圯縣志
土地祠 在縣署左縣志
祖師廟 在治北縣志按在城內
土主廟 在鄭場
總司廟 在常住田在陽崖一在北六十里
萬壽宮 在城內江西人建
禹王廟 在城內湖廣人建並縣志
黑神廟 在城西嘉慶八年知縣劉賢業建
靈臺閣 在城南一里即陳志雲臺寺久廢常住田
土寄入學中其地占綏邑形勝知縣張夢驥於道光

戊子重修改名靈臺祀文昌關帝即以閣為鄉學於舊寺焚獻之田租十石內撥出二石更斷入萬壽寺元音寺互控田土歲共得租十二市石以為延師束脩閣別有曠地歲得房園租錢千餘以供修補之用

武侯祠 陳志稱臥龍廟

柳公祠 在城西十里祀唐柳宗元明萬曆間知縣

詹淑建 志知縣馮士奇重修有記按今圯地為民

田 二冉祠 在城西祀冉璞冉璣志知縣左懋穎建今

地按地今為民居

母公祠 在城內祀明知縣母揚祖志縣大門左今

地按地今為民居

地按地今為民居

蕭公廟 係鄭場公館今廢為廟志

三府祠 在治北趙家里祈禱輒應志

詹公祠 在城隍廟側祀萬曆間初設知縣詹淑志

在西門內後地乾隆三十四年重建按今圯地為

民居有像在城隍廟右側

附馮士奇詹公生祠記從來牧民者不難一時令

民悅而難去後令民思蓋歡悅一時者可以智籠

遵義府志 卷八 三

遵義府志 卷八 三

可以術愚若去後之思 有深仁厚澤漸涵於民

心而民感激愛戴欲去而不能也詹公之治綏可

思已公初在資陽仁心仁聞未暇枚舉資陽固已

祠而祀之矣迨播逆受俘勅地設縣而治難其人

各縣知公賢能舉於朝天子報可公銜命來綏關

草萊撫流離築城郭建衙宇拮据焦勞不踰年而

事多就理萃四方之黔黎授新墾之井田擒劫掠

之巨寇折不決之疑獄遇孤寡則捐金授畝覩貧

乏則推食解衣國之所在不知有家庭之所在不

知有身公洵南陽之召杜耶歷任五載名達神京

晉職本郡清戎兼理而擢守馬湖之命下矣然公

去綏而德在綏也民不見公而見德也因重為之

構祠樹碑而徵余言余幸繼公後無論巨綱即日

用常行無不以公為大要嘗讀公聖諭解勉期無

媿於公而弗能也然則公之德政寧獨綏士民念

之余亦穆然有遐思矣寧獨余思之不置將見後

之繼令此士者有不恍然思惻然慕者乎蓋其深

仁厚澤貽謀善而人人深故能有此豈智籠術愚

歡悅一時者所可同日語哉舊椿重建詹公祠記

公芟荆刈莽而城郭之經舍宇分畛域生聚喫咻
戛然成治晉太倉守綏民遮畱塞轅乃得同知本
郡未幾底績擢守馬湖悲思者繹於路至今邑民
呼阿翁不已矣先是公既去民不能忘立祠尸祝
而寓其像於城隍左側余承乏於此循公規履幸
免覆餗因思公為綏民奠厥居而後之人曾不能
為公具懷棟桷將誰道敬捐薄俸治室居像而設
田以報慈惠祀典曰有功德於民者則祀之公奮
乎百世以上傳聞者莫不興起其功與德著於口
碑後之令此土者嗣而葺之則公之教思常存矜

遵義府志

卷八

壇廟

五

而式之則公之流風俱遠勒石以記其事景慕前
人亦所以留贈後人云爾陳世盛添設祀典記前
人之立功立德豈必有崇報之思盡其道焉而已
後人之以祀以享未嘗緣推奉之轍重其賢焉而
已自前明萬曆庚子平播設縣以迄於今蒞官多
矣惟昔蒞之詹公崇其祠舊而復新畱其像久而
如昨良以公當建置之初其功德膾炙人口鏤入
人心叠見於全志中為有目共欽者不待稱贊盛
攝綏之三曰詣公祠觀公像瞻拜之下殊覺曠世
相感慨然想見其為人特是前任唐公椿新祠表

額並買田一坵價銀十兩付城隍廟僧耕種以為
每月香燈之費而春秋二祭實無以薦馨香是亦
望容懸崇之貽譏矣踵其後者寧以苦於無措致
謝不敏乎查永興場每年有納官地租銀二兩四
錢亦可修祀典以供牲醴猥云菲薄亦策善之一
端自乾隆二十四年起以此項充其用在公生而
為英沒必為靈民奉於令而不辭輸將令納諸有
德有功之前令以彰崇報雖非公之所思諒亦非
公之所棄矣有同志者踵而行之庶永垂之不
朽云

遵義府志

卷八

壇廟

五

李神童廟 在城東楊進村知縣朱由挺建有記
白氏廟 在金子垣祀唐播州刺史白居易按非
祀香山乃其子孫移居綏陽時所建香火堂也即今
金山寺
仁懷縣
社稷壇 在治南門外
神祇壇 在治門外
先農壇 在城外東北藉田每歲收穀三石八斗不
敷銀三兩二錢三分三釐赴司領
厲壇 在治北門外

關帝廟 在城內

文昌廟 在城內 文廟左

城隍廟

江神廟

禹王廟 在城內

萬壽宮 在城內

三聖宮 在城西三十里茅台村

忠勇祠 在城北三百里竹瓦寨威遠衛指揮僉事

袁墨陣亡于此因建祠祀之

遵義府志

卷八

壇廟

四六

寺觀附

遵義縣

萬壽寺 在龍山上宋嘉定初建明洪武末重修明統

志即龍山寺蜀志通按今稱小龍山寺

玄妙觀 在宣慰司治東宋嘉定間建明洪武中重

修明統按即今桃源山之觀音堂

集貞觀 在宣慰司治西元至正間建明洪武末重

修明統

真武觀 在治東五里陳志

淨土庵 在治北文昌宮上陳志按在城北十五里崇

遵義府志

卷八

寺觀

四

禎四年重建康熙二十七年再建又名營盤寺

海朝寺 在海龍望明平播後兵備道傅光宅建蜀志

大士閣 府治前燭明萬曆四十年知府孫敏政建

志通按順治十七年兵備道賈彪撤府學左之金剛堂

因移材重修今四天王像即自堂中移來者時有程

生雲撰記已漫漶康熙二十七年副將魏相重修以

為地方官朝拜之所因名祝釐寺又名萬壽其何年

改祝釐無考今存蘇霖泓大士殿楹榜有帝以無為

朝萬國句款係雍正癸丑知稱祝釐在雍正以前

佛光寺 在府城內初有銅佛像在荒莽中人往觀

輒風雷不可近後有異僧命居人齋戒往迎置此寺

志通

雷音寺 在府城南五十里陳志六水中突起一山

其下有飛雲庵通前有雷水堰臨大山陳志按寺在

九龍山下萬曆四十二年僧宗蓮即楊輝墓祠基址

建

西坪寺 在城南百里又名虎邱寺僧大冶道場

附陳起相西坪寺記欽崎崩劣梵宇託焉在湘不

以為奇不奇飛舞奇坦曠蓋湘原少而峰多則以

少受選焉宜爾有地曰西坪飛舞夾縱坦曠中鋪

遵義府志

卷八

寺觀

四

不此之奇是選雷之目矣坪又以石為筋脊石自

某地迄於板閣凡五十里狀若蛟虬蜿蜒而迤邐

隱隱隆隆蛛絲馬迹通箭軸畫勢玲瓏受拜南

宮非袍笏不敢見當坪之腹始張甚為家為獅為

龍為虎然不示人以玩且韜藏之族其人卓錫不

偶也歲乙酉秋冶公和尚以蜀亂率眾適至響錫

搖空笠筵正銳初非有取乎此會坪有四眾振師

之名請輟沙灘之祇為創結茆之慰師猶不以為

緣唯唯否否宿宿信信庸知山靈蘊結鬼神呵禁

不為化城不肯師遂一住十有四年就壞四眾

不聽師去乃開土劔利其首乃有獅若象若龍虎

奔走騰沓而來處剎之四隅不散去眾始大駭異

之乃知師遊戲神通示人不測若此

禹門寺 在治東七十里山周四五里其西喬林崇

壁樂安江經其下回潭一碧環山而東明萬曆初黎

朝邦父子始創伽藍於上名沙灘寺明亡朝邦子黃

岡知孫懷智落髮住此名龍興禪院順治丁亥僧丈

雪避亂來居旋去了丑冬再至遂開道場易名禹門

寺廣建禪居上下蜂房各開戶牖禪和諸子日至十

百北建藏經樓貯四部釋藏後丈雪歸四川昭覺寺

遵義府志

卷八

寺觀

四

其徒一葺繼傳捧喝丈雪有禹門六景石頭山鎖江

橋溪聲牧笛沙汀月浦六詩今寺中釋藏如舊故遺

聯福多破山丈雪手筆趙州中峰破山丈雪一葺福

圓各詩文語錄板並存貯

附丈雪開堂記略沙灘溪迴九折峰抱千頭神宗

初黎靜軒裁為伽藍鑑丁亥上巳余避世於茲

觀溪烟擊浪鱗藻躍風奮旃厥業未殫衷期越已

丑冬再尋溪口易龍興為禹門兵野戍勝境堪

誇樹為學業禪堂總以一鐫共煮眾姓施腴蔬圃

周備收跋涉遐邇之役免八坐新參之勞云梁應

奇撰禹門寺記稽昔禹師治水導河積石至於龍門華陰砥柱之墟皆獲安瀾懷山襄陵之勢不復如初萬世而下稱禹績受禹成者至今不朽不謂桑門亦有懷襄而本來面目載胥沉溺非有慧解人具救生心烏能手援諸溺而登之岍稽樂里有寺名沙灘者紺殿軒昂堂奧鴻厰石磴層嶙木翦蔚湖所創者肇自策眉始惜沙灘荒剝灘則不能遠濟沙又恒河難更恭請丈雪人天師範為叢林住持於是易為禹門禪院過人心之江河濬羣胸之閉鬱使之洞見本來面目豁然通憬然悟有

遵義府志

卷八

寺觀

辛

如禹之隨山決排機忘物我真利濟之人乎師蜀之內江人棒喝交參印德山濟北家言實傳曹溪正脉說語錄凡若干篇平澹自如行業兼備將與禹功並垂不朽余因視師三川便道遊覽盤桓嘯傲識師最真敬作記言以紀盛心云

純陽閣 在治北五里按閣當會川河水會孤阜挺出秀臨綠潭古木幽蘿掩映水石順治庚寅忠國公王祥建閣於上像祀呂祖乾隆四十二年知府蘇霖泓補修有邑舉人唐惟克記閣側有一石為憨憨道人棲卧遺跡遊憩者一枕一琴幾忘塵境霖泓詩云

純陽閣上好煙霞擬放銀河八月槎鐵笛一聲來道侶桃花幾樹著人家

西來寺 在治西三十里八里水平林蒼鬱一徑通幽康熙初本楊氏宅地總兵吳之茂以爭構勸捨為寺僧兩生遂於此開道場名松邱禪院手披大乘經字數種柏數十萬株其尾字倒植之後長枝皆下垂今猶存內釋藏為僧明澄走京師請於當事康熙五十六年丁酉 十四王供施裝造奉齋來永鎮山門者共六百七十六函通六千九百五十卷後知府趙光榮募製經贖存貯

遵義府志

卷八

寺觀

辛

高翮映松邱緣起薪盡火傳法燈慧焰於以續佛靈根惟一大事因緣無有餘二然則因根起緣因緣相觸而生妄境塵刹瓦礫大地河山無非法身邊事蓋逐事則離根心則會會極則語語而不作聖澄聖解乃可頓入性海故說有礙塵設空著妄一立語言皆無是處以之平等性得大空心乃如如自在地耳一日余因公來播結宰官因緣竟而後比丘長者居士以至性善男子皆以因緣結我有頃兩生禪師亦隨緣而至啟門納客措之坐以眼代口傾蓋間不立對待塵不生知見解水乳

之合其亦石上相逢得非兩生契濶而能然耶嗣
一日禪師復來晤出所爲論疏以示相與降澍天
花而針投黍透抑語默動靜無非爲一時因緣事
歟微言之緒偶及禪師所創松邱禪院乞余爲序
其緣起乃曰初此地名八里水風景頗異寺址乃
楊氏宅基因兩姓鬥訟僧賴吳大將軍得遂支公
癖焉余曰金剛至堅也擊之以羚羊角則迎手而
碎禪師無煩惱能破除人之煩惱得佳清涼界以
大將軍爲之金湯理固然矣問八里水之名何居
禪師曰離寺三里許有洞焉水從洞出流八里人

遵義府志

卷八

寺觀

寺

別洞中是以得名寺之左壑曰牛郎塢右峰曰阜
陶山後十里遠近有阜陰灌木則名九蒼林其所
由來莫可狀詰余曰無名其謂之古始有名乃以
物母借問立松幾株牛即在壑而織女安適阜土
師曰刑幾人九蒼溟溟十里何限禪師曰唯萬象
空花了無是事松且不有况於他乎余因誦瓦屋
山木皮因緣既乃徐爲禪師釋曰所謂山河本於
清靜固其然也而其機起於忽生今日禪師與浴
雲子舌妙機圓忽生影事不可謂之無是皆虛妄
卽禪師建立寶王亦應與空花兔角等不可謂之

有如是則織錦水於機上開劍門於匣中未爲不
可也以心緣法塵獨影境現余知松邱之幽壑冲
深高霞巖嶺石磴逶迤幽迴九折而歷睇湘川諸
山幾爲之劣焉臥遊自醉他日不必費資糧更遊
第二道場矣持此卽作松邱緣起名山有靈當永
爲呵護廬陵高齋映成文生於遊成遊而後知文
之非其景也文託心生心隨文幻夫虛虛實實言
亦巨暮遇之而已曾聞之去此十四國土有世界
名旃穆多香彼國人以夢爲真以實爲妄其餘飲
食衣具皆從一夢而後飽煖始自得焉不夢則不

遵義府志

卷八

寺觀

寺

真以爲有余昔也疑今而乃悟謂今日之遊虛前
日之文實話因閣上當與上人話之浴雲居士高
齋映誌羅兆牲代陳瓊撰補修禪院記學士大夫
宦輟所居必有勝刹通流與爲棲息往來非第縱
逸遊賞方外也所以滌塵翳發鋼覆其益宏矣在
昔如裴休陸大夫蘇黃諸人固以是爲歸而欲燒
佛骨之韓子亦不能不心醉大顛蓋佛骨自可燒
大顛自可參原不相礙此所以爲退之也而駭儒
且盛氣辨之謂爲無有不大可哂耶予更遵三年
遵固陋遠求所爲金碧焜煌壯觀一邑者既不可

得卽疏林卷石布置略佳亦絕未見至城剝繡流
率諷頌取直香火衣食耳無可言語者禪宿藏天
故兩生老人之高足也住錫城西松邱禪院惠然
來訪予延見之淵儀玉韻英英照人因樂與周旋
一日持綠蘿高雪君所撰松邱緣起相示予快讀
一過恍坐話因閣而左顧神媧右揖庭堅也始歎
桃花源去武陵數十里耳劉太守不親往搜尋豈
復有津可問若茲邱則距城更近予且薨薨至今
未前不令拂雲諸叟遠笑俗吏難醫哉藏天白曰
高公鐫記後寺中補造者有大都督鄭公及裨帥

遵義府志

卷八

寺觀

五五

等台樹之坊有傳李二太守莊嚴之佛有諸善信
捐建之天王殿五齋堂一十有二落成於今戊辰
濫觴於王戊公不吝如椽踵高公而記之爲茲寺
增一勝事可乎予笑曰雪君先成文而後遊謂文
爲實而遊爲虛其言甚辨然旣文之矣何非遊者
文實則遊亦實遊虛則文亦虛虛實倘分真妄互
起不幾夢中說夢覺外尋覺耶予再蹈斯例是饒
鄭人之鹿蹤臧氏之羊也藏天曰蔡少霞伏枕書
碑所謂山元卿者當以何人實之某未敢望願公
尙幸退之不來可免五百年後人饒舌耳余謝曰

子之善勝也予行且至矣因書其語爲記其施贊
諸人例得備書於後至本寺始卒已詳雪君記中
雪君記佳可畱與後人也

茅衙寺 在城北十五里茅坪原名仙巖莊初爲楊
應龍妻田惜玉所居稱曰茅衙平播後李氏得之改
建爲寺通志

黃鐘寺 在城北四十里四境皆田中聳一石如螺
明弘治間夜大風雨光怪閃爍居人巨往視之有鐘
懸樹間因建寺居之後圯

國朝順治十八年里人張時有增修通志

遵義府志

卷八

寺觀

五五

天臺寺 在城北四十里僧烜一建巖洞皆奇通志

玉皇觀 在城內舊有文昌乩筆記

國朝康熙五十八年知府趙光榮重修通志按觀宋建元

明間屢修舊記載金石

先天觀 在城北三十里紫霞山明正德初楊顛仙

建今改名紫霞寺通志有碑記陳文載金石

祖師觀 在東門內又東二十里亦有祖師神祠陳志

觀音閣 在東門內志又城南百里天六甲有觀音

寺創自前明以後屢經補修

三官殿 在東門外

大悲閣 在東門外

太平寺 在治東獅子橋

東林寺 在治東二里

普慧寺 在治東五里並陳志

湘山寺 在治東二里志按明統志云湘山上有大

德護國寺即此

六寶寺 在治東二十里

白蓮寺 在治東十里

砂岡寺 在治西四十里即白牛寺

石寶寺 在治東四十里並陳志

遵義府志

卷八

寺觀 五十六

迴龍寺 在治南鎮水陳志按一在城南九十里

延禧寺 在桃溪

常山寺 在治南五十里

福源寺 在治西二十里並陳志按寺唐宋間建明建

文帝曾寄宿題詩

永定庵 在治西一里

海月庵 在治西二十里並陳志

甕海寺 在治西五十里陳志按又名迴龍寺

白雲庵 在北門外陳志按城南六十里有白雲寺助

萬歷中建

普賢庵 在治北二里

高橋寺 在治北三里

大覺寺 在治北十里資中閣相建

活龍寺 在治北十里並陳志

慈雲庵 在治北二十里陳志按吳逆時楊維柱捐業

建嘉慶十四年僧重建庵中有銅佛三遷自海龍聖

董公寺 在治北十五里陳志按舊名龍山寺後名西

樂庵康熙元年兵備道董顯忠重葺有呂舉人王以

中記乾隆六年有燕僧來重修易名董公寺

天馬寺 在治北二十五里

遵義府志

卷八

寺觀 五十七

廣佛寺 在治北三十里

天成寺 在治北二十五里

上龍洞寺 在治北四十里又有下龍洞寺

天臺閣 在治北四十里有奇洞

臨江閣 在治北四十里舊名太元

曲水禪院 在治北四十里

石華庵 在治北四十里

黃琮巖寺 在治北四十里

五岔寺 在治北六十里並陳志

朝陽庵 在城東百里康熙四年羅某與妻姜舍宅

建身為僧尼有碑記其事

黃池寺 在城東九十里明萬曆中僧性穿建

龍聚山寺 與黃池寺近明萬曆中建一名永靈廟

白衣庵 在城東九十里

官城廟 在城東九里初三撫相公舊城今廢為

廟土人湯餅日祭之謂能保產厄外有鬥牛城鬥雞

城迎春臺上馬臺金刀坑古跡

古令寺 在城東四十里昔有異僧禪一焚化於此

金瑞山寺 在城東六十里舊名壽岡山又名麒麟

寺為川主顯靈處相傳昔有川主像並銅鐘飛至此

遵義府志

卷八

寺觀

寺

鐘有銘載金石

大寺 在城東南七十里傍有塘高廣數丈四時不

涸側有石隙春夏水溢即自此消

華嚴庵 在城南五十里飛鳳山下萬曆四十七年

僧元定建

高勝寺 在城南五十里龜伏山下明萬曆中建

龍華寺 在城南五十里又名馬家寺

坐雲寺 在城南六十里獅子山即常山之首原名

蟠龍閣順治初建康熙三年有侍講長壽王長德記

二十八年改今名有知縣陳瑄記

方廣寺 在城南六十里天台山即常山之尾舊有

小庵祀土地神萬曆中改

雲臺寺 在城南八十里崇禎十四年建

楞嚴寺 在城南九十里又名石板寺

延齡寺 在城南九十里祈壽山

雙山寺 在城南九十里

朝陽寺 在城南百里鳳凰山下萬曆間建又南一

甲茶欄頭亦有朝陽寺康熙間建

報恩寺 在城南百里臥龍山下又名馬坪茶腰寺

雙林寺 在城南六十里又名水口寺

遵義府志

卷八

寺觀

寺

金山寺 在清潭里宋咸淳間建明羅其賓羅承恩

重建相近有金堂廟

復興寺 在城南五十里仙鳳山明正德間建又名

瓦廠寺

雙溪山寺 在城南五十里龍坪又名水口寺萬曆

中建相近有後衙寺

靑龍山寺 在城南七十里

龍寶寺 在城南百里龍鎮山

仙人山寺 在城南百里又名水口寺

護國寺 在城南九十里又名磨墳寺順治初建

瞿曇寺 在城南百里明萬曆中建有石谷和尚

語錄板

大興寺 在城南百里創自前明

桃溪寺 在城西十里

玉台山寺 在城南八十里創自前明

堂臺寺 在城南九十里明御史陳啟相落髮於此

所建

天池寺 在城西二十五里紫金崆峒二山間下臨

大水堰順治中建

金麟院 在城西五十里三層崖上順治中建康熙

遵義府志

卷八

寺觀

寺

間移建山頂嘉慶二十五年寺僧通梅募鑄銅鐘重

千餘斤圍丈八尺聲聞數十里

水月庵 在城西南四十里九峰山下明萬曆三年

建又名水口寺

落坐寺 在城西六十里金鳳山順治中建

恆澤院 在城西五十里又名陳堂寺明崇禎十六

年陳應麟建經樓貯萬歷間施寺藏經

萬福寺 在城西南八十里雲霞山創自明萬曆中

原有九殿後以兵渡烏江折作浮橋僅存川主一殿

乾隆四十九年遷建奉佛

慈音寺 在城西南八十里又名阿陀寺又名水雲

堂明萬曆二年建

棲和寺 在城西百里六寶山溫泉上明未建

廣惠寺 在城西九十里永定山上又名堰村寺

花茂寺 在城西七十里金鳳山明未建

佛興寺 在城西七十里會龍山創自明萬曆時

鐘峰寺 在城西南百里明崇禎中重建

雲水寺 在城西百里

東流寺 在城西百二十里

興隆寺 在城西八十里三奇山下有青龍寺

遵義府志

卷八

寺觀

寺

古柏寺 在城西二十五里又名張家寺

東山寺 在城北二十里

迎水寺 在城西北二十里

金藏寺 在城西北四十里

暨應寺 在城北二十里創自前明

馬鞍寺 在城北二十里

水源寺 在城北七十里

紅廟 在城北二十五里

雲龍庵 在城北八十五里永安山又名中寺距三

里許有永豐庵又名上寺並明萬曆中建

正安州

胥覺寺 在城西七十里古刹也趙明萬曆九年僧錫牌增修俗名錫牌寺志

錫牌增修俗名錫牌寺志

沖虛觀 在真州長官司治北元建明重修明統志

本剛寺 在城南五十里茶坪趙康熙七年知州高理重建志

理重建志

蟠溪寺 在城北百里趙明萬曆初僧孤舟面壁於此通志

此通志又名蟠龍相傳嘉靖時楊升菴到此題詩壁上

寺前沙磧光燦如金撥之以杖則黑所云金沙鋪地

是也州志

遵義府志

卷八

寺觀

寺

龍塘寺 見蜀志在州南八十里林溪每年收寺中

租穀四十石為鳴鳳書院掌教薪水

德星寺 在思六甲

玉皇觀 在州南七十里並州志

普明寺 在治東練思二甲州明統志在真州長官

司治東元延祐間建

真武祠 在舊城南門內有角井鱗鯪舊址去治東

百二十五里思一甲

慈化寺 在城東百八十里思十甲明弘治十三年

修嘉靖十四年眉山蘇宗式探花平篳子坪賊石老

圖後重修古名雷興寺

觀音寺 在偏崖一在思十甲一在德八甲一在小

二甲

廻龍寺 在城東百里思十甲一在德十甲

蓮池寺 在城東思四甲一在城南德九甲

朝陽寺 在偏崖一在德六甲

報真寺 在城東思七甲明嘉靖二十年真州鄭長

官建

法堂寺 在偏崖

蓮華寺 在德八甲

遵義府志

卷八

寺觀

寺

普陀庵 在小六甲

觀音閣 在南門外石笋峰康熙初有大土相止于

峰巔唐人因建閣焉後復于峰腰建鐘亭正殿

南京堂 在思三甲

龍池庵 在思三甲

鳳凰寺 在思三甲一在北二十里小米莊一在江

九甲

崇興寺 在思五甲

銀瓦寺 在思五甲

永興寺 在偏崖

寶鼎寺 在偏巖

高峰寺 在偏巖又名天峰

雲臺寺 在思十甲

華光寺 在城南八十里德一甲雙子頭

海會寺 在德一甲

吉祥寺 在德一甲

興復寺 在州南九十里又名水口寺康熙四十年

知州汪曾垣置有常業一在江十甲

馮村寺 俱在州南德二甲

善緣寺 在德二甲北宋大觀五年建

水盤寺 在州西二十里德二甲

華嚴閣 在州城西門外一里又名三奇寺明嘉靖

間真州鄭長官建

水叢廟 在城西德三甲

楊泗殿 在城南十里一在德五甲

水口寺 在城南四十里德六甲杉木坪

大成寺 在城北五十里唐乾符間南詔陷播州築

城于此城垣基址尚存南川有瑪瑙城羅尾城一時

同建又云此城乃南宋寶祐年建

洗腳寺 在城北五十里又名下寺

遵義府志

卷八

寺觀

六十四

大寺 在城西四十里水車德七甲

小寺 在城西四十里水車德七甲

高岑寺 在城北三十里水車

寶全寺 在城北三十里董家垵

梓潼寺 在城北三十五里九龍山下一在小五甲

風子寺 在城西四十里小水巷

復興寺 在城南德九甲

廣積寺 在德十甲

蒲村寺 在江一甲又名簸箕寺

秋山寺 在江一甲

三教寺 在江二甲

藍龍硯 在城西七十里黎地古名藍蛇硯

千古寺 在城西北九十里江四甲羊坎

三界寺 在州北三百里又名鼎箐寺桐梓南川正

安三處交界山形如甕晴天常霧相傳明萬厯間總

兵劉綬題詩寺中

張村寺 在州北六十里江四甲

土皇寺 在州北九十里羊坎

雙修寺 在州西百一十里廟堂又名兩老寺

朝斗寺 在江六甲

遵義府志

卷八

寺觀

五

金子寺 在州北八十里蓮子墳有金砂石

虎練寺 在江九甲

北京塘寺 在城西二十五里江二甲

魁首寺 在江九甲

乾溪寺 在江十甲

茶園寺 在江十甲張眼墳

慈意寺 在小一甲

龍華寺 在州北小二甲

新寺 在小二甲

報國寺 在州北九十里小三甲鐵窰

遵義府志

卷八

六

天河寺

萬善寺

明建寺 俱在小四甲

大興寺 在小五甲

魚江寺 在州北二百里小七甲三岔水

川主廟 在州北南箐嘉慶十四年知州董澈重修

修

碗水寺

千齡庵 俱在小九甲並州志

按陳志載有元妙金龍何村聖水大蓮福慶柏陽

龍潭平閱溪山爵梅子高洞金龜魚梁明興白雲
十七寺今俱不詳所在

桐梓縣

甘露寺 在三坡砌石為徑高絕行人每苦渴

國朝順治間副將陳福平寇至此見軍士覓水弗得為

之惻然因建寺一所斫木為槽引水巡撫張德地因

以甘露名寺通志蜀康熙七年學政孫允恭有碑賈志

嘉慶中重修

龍罩寺 在城西五十里雄視山頂勢極巍峩通志在

蘆溪里陳志按一名大佛寺明嘉靖中建

遵義府志

卷八

六十七

蓮池寺 在城西七十里平原中攢列數峰形如蓮

辦故名通志萬曆十一年建有碑賈志

三座寺 在城北三十里聳岫危巒水環若帶又名

三教寺通志

龍華寺 在治東賈志按今在東門內

朝陽寺 在城西九十里寺建洞側魏綫幽邃賈志

觀音寺 在治南五里賈志又北七十里有

觀音閣古剎也乾隆四十年重修有貢生令狐之灑

碑記又北四百里亦有觀音寺明正德中建牛渡灘

亦有觀音寺

一佛寺 在城西十里中木塚蹟

二佛寺 在牛渡灘蹟

清泉寺 在治百里外蹟按邱志已無今無考

天池寺 在城西二十里天字峰下水一泓四季不涸

羅坎寺 在城西南十五里又名興佛寺並賈志

祖師觀 在小籌陳志在城北四十里萬曆三十八年

知府孫敏政建有碑讚存廟中後過兵元帝顯靈於

此知府趙光榮總兵魏相都司杜進梅重修乾隆十

三年地六十年重修賈志

遵義府志 卷八 寺觀 六六

明月寺 卽鳳朝寺在城東北四百里明正德元年

建

國朝康熙中寺經兵火乾隆十二年補修以後補修不

韓家寺 在治北二百里梵宇宏敞相傳山是靈鳳

不敢鳴鐘

西來寺 在城西九十里並賈志

玉皇觀 在治南門外並賈志

臥龍山寺 在城南四十里太平場明未建舊在山

巔

國朝康熙間移建今地

離垢庵 在城西南牛渡河一名永興庵明萬曆時

建後遭兵火重建

車子山廟 在城南四十里任墻垣

岡尾廟 在城南四十里後坎溝

九顯山寺 在城南四十里一名店子寺明未建

淨天廟 在城南三十五里鳳凰山

水口寺 在城南三十五里

金鳳山寺 在城南三十里明景定間建

國朝康熙丙子後屢經修拓規模宏濶左右有蓮池清

遵義府志 卷八 寺觀 六九

幽軒爽爲諸廟冠

金鏡山寺 在城南三十里洞子河寺內有唐貞觀

中磬

七寶山寺 在城南三十里小水田新建

五福宮 在城南十里水坎嘉慶中建

夜郎寺 在城北七十里明萬曆中建

顯靈廟 在城北八十里夜郎垣有碑又北二百四

十里亦有顯靈廟乾隆中建

金龍觀 在夜郎垣山起平地寺在山腰

鳳凰閣 在城北七十里夜郎垣寺前有古墓內有

明人石刻

龍臺寺 在城北二十五里楚米坡

重興寺 在城北百六十里

沙坎寺 在城北百六十里水垵

柴山寺 在城北三百里黃坪村明萬曆十年建

寶藏寺 在城南八十里明嘉靖中建

麒麟寺 在城北四百里雙鳳山

龍居寺 在城北四百里蓋石洞明成化中建

高峰廟 在城北四百里大石板宋淳熙中建

銅鼓園廟 在城北五十里一名古蹟山乾隆中建

遵義府志

卷八

寺觀

七

陳國公廟 在城南二十里陳頭箐

心田寺 在城北四百里寶峰山

白雲寺 在城北四百里藻水漕寺居山頂明萬曆

三十六年建

黃沙觀 在城北百二十里原名金龍嘉靖前建

國朝乾隆中重修有令狐之激碑記

鼎山寺 在城南十五里即鼎山縣舊址宋寶祐中

建後改建山下補修不一

白水廟 在洽南十里

白鶴寺 在西門外

獅子廟 在洽南二十里

朝天觀 在洽南十二里

天橋寺 在洽北四百里花栗園明建

馬龍巖廟 在洽北二百四十里昔有龍馬見因建

寺巖下

堯龍山寺 在城北百五十里山即貓兒山寺累興

累廢明崇禎中復建有碑

三界山寺 在城北四百里芭蕉垵界聯三邑故名

崇恩寺 在城北二百五十里扶歡垵宋淳祐間趙

高峰建

遵義府志

卷八

寺觀

七

龍洞寺 在城北百四十里寺在洞中明崇禎中建

洞有泉泉中有石龍形故名

普門寺 在城北四百里

威靈寺 有二一在井生台一在藻水漕俱在城北

四百里

香山寺 在藺溪

娘娘廟 在南門外即侯良柱故宅

白楊廟 在城南六里

祝緣廟 在城南十里

張師堂 在城東二里

飛龍廟 在城西南十里

茶園寺 在蒲家場

龍塘廟 在城北五十里

按陳志載有雲盤寺圓滿寺龍興寺今俱未詳所在

綏陽縣

辰山寺 在城西十五里通志按本名普福禪寺明成

化甲辰宣慰使楊愛建

螺水寺 在城西十七里舊名三教寺通志按即舊永

明宮也宮為夷人胡鳳岐建今寺瓦尙存刻萬曆已

遵義府志 卷八

卯胡鳳岐字

迴龍寺 在城西二十三里本為蒲象庵元時建後

增修改今名通志

親雲寺 在城西三十里順治間僧了幻建通志

天竺寺 在城北十五里通志北

長礮寺 在城東北九十里明永樂初張三丰常寓

於此通志按即陳志長嵌寺在旺里九甲元時古刹

國朝康熙六十年重建

真武觀 在治內

觀音閣 在治西並陳志縣

石笋寺 在治北六十里縣志

雲霄洞寺 陳志載按當即碧霄洞然今洞外無寺

五龍寺 一在鄭家場楊氏所建縣志一在桑木關陳志

海月寺 一名嘉瑞陳志按知縣唐椿重建

中臺寺 在治北七十里縣志陽崖陳志按明嘉靖中建

蚌水寺 在治西北三十五里縣志

保子寺 在旺草陳志

萬壽寺 在城內

乾溪寺 在治東四十里

圓音寺 在治東三里

遵義府志 卷八

椒溪寺 在治東三十里

六和寺 在治東十五里

陳村寺 在治東十里

三句庵 在桑木關

迎水寺 在治東百里

大悲閣 在治西五里並縣志

金山寺 在治西十五里縣志按即白氏廟

慧光寺 在治西十三里縣志

青雲寺 在城西十里西山縣志按即休休結茅地寺

名亦休休所榜寺下有休師塔

石牛寺 在治西二十里

赤霞寺 在治西十五里風坎山縣志按即陳志風坎

寺梁從繩赤霞寺碑略云寺在城西二十餘里地名

大風坎鳥道千尋曲盤而上四面皆山中殿一坪明

永歷九年有和尚窳峰者開基建寺於此又徹字和

尚次大峰坎赤霞寺詩小峰不可及故曰大峰坎數

里入雲深路似九折坂孤閣影崔嵬丹崖氣清遠雲

際一聲鐘林木蒼蒼晚

九龍庵 在治西二十五里

長安寺 在治西二十六里

遵義府志

卷八

寺觀

七十四

曲水庵 在治西十二里並縣志

五涯寺 在治南十里縣志按寺舊刹僧月葺樓此重

修有萬歷三十八年知縣任昌期撰碑記月葺亦有

記

附重修五涯寺碑記縣治之南去城十里許有五

涯寺者乃禪林古刹也甲戌夏余蒞斯邑即聞有

楚僧月葺上人雲棲於此亦未暇一領也乙亥春

適以民事出道經五涯寺遂稅駕而訪焉詢其禪

脉來源則曰自曹溪六祖以下出破山老人傳佛

心印於錦江昭覺也詢其營築根由則曰自前庚

子平播之後時有麻城詹邑侯開拓縣署遂領文

田土而建設也案頭有語錄數卷閱之皆釋家傳

受心法藉此而磨礪羣徒且耕且讀食無求於世

眠雲臥雪非無掛礙中人乎繼觀殿宇整齊爰追

往事皆云前已傾頽自上人來山捐衣鉢貲仗檀

那力歷五寒暑而告成知綏陽縣事任昌期羽詵

氏撰儒學訓導丁世泰篆額典史張俊立石古懷

白黃鼎書戒弟子真定寄名弟子任常慶萬歷三

十八年庚戌八月初三豎碑

臥龍山寺 在鄭場臥龍山

遵義府志

卷八

七十五

獅子山寺 在鄭場獅子山

大保寺 在治北二十五里

宗峰寺 在治北四十里按原名明月僧五空建

隆興寺 在治西北九十里並縣志

合口寺 在旺里

朝陽寺 在旺里金華山先在山半一日佛前幡幢

忽起盤旋良久下立山下鄉人異之因遷寺於幢立

處更名爲插旗寺

古佛寺 在黃村塢三撫廟右乾隆六十年知府蘇

霖泓知縣唐椿重建

按陳志載有往水板橋金竹長壽水車白台延壽
白雲寶蓋晏溪崖後高山瀼水嘉會十四寺今俱
未詳所在

仁懷縣

西禪寺

在二郎里通志

佛會寺

在小溪里

常樂庵

在赤水並陳志

寶峰寺

在生界向為縣行署

白馬寺

在生界距城二十里

營盤寺

距城三十里舊在鹿鳴山僧雲白住持其

遵義府志

卷八

寺觀

七

中雲白死遂遭火其神像忽飛出因於其地建寺

明光寺 在李博里距城三十里初名明廣知府趙

遵律更

顯化寺

在赤四甲

正覺寺

花果寺

混元宮

月望山寺 並在赤四甲月望寺之雄富為仁懷諸

山冠

太平寺

在三塊石陳志按在赤九甲

寶靈觀 在赤七甲

羅漢寺 在赤十甲

寶蓋寺 在吼灘里

永興寺 在風溪口陳志

來鳳寺

永安寺

玉屏寺 並在安羅里

崇因寺

廻龍寺

三會寺 並在二郎里

遵義府志

卷八

寺觀

七

飛龍寺

仙洞寺

關山寺 並在丁山里

五龍寺

佛會寺 並在小溪里

長岡寺

爛泥寺

普照寺

萬福寺

白果寺 並在李博里

遵義府志卷九

關梁

水國重津梁山國重關隘二者遵義兼之蓋其地扼黔蜀咽喉連山增盤如肺叟絡緣繁成道四達八會每遇要害卽一夫當之萬人不敢進而延警温黜諸水又環貫乎其中並流駛湍急漲縮不時其度處又必值峰脅山尻苟舟橋不治東西家慶弔亦至崖而反安問行者司牧其得以謹關梁爲非所事事乎

遵義縣

關隘

遵義府志

卷九

關梁

一

樓山關

在縣北百里方輿紀要萬峰插天中通一線通志

關北卽桐梓界爲自郡入四川重慶要隘征播時蜀

將劉綎由此進方輿紀要大樓山上有關曰太平關

亦曰樓山關亦曰婁關萬曆中討楊應龍川將至重

慶分道而進俱刻期抵樓山關劉綎自綦江進戰九

盤入婁關關爲賊前門官軍從間道攀藤魚貫毀柵

而入進屯白石口賊遣其黨抄後山奪關四面合圍

綎奮擊破走之按明統志亦以太平關在大樓山上

通志別列太平關云在城北一百里非

三度關

在縣東一百一十里通志明統下臨剪志作八十里

遵義府志卷八

遵義府志

卷八

寺觀

七

乃溪東即涇潭界為自郡往平越思南石阡要隘在播時楚將陳璘由此進方輿紀要府東八十里上有

度中度下度三關

上度關 今稱度上關在縣東一百里為自郡出涇潭要隘方輿紀要湖帥陳璘自涇潭直抵上度關以

扼播州應龍之勢愈蹙

黃灘關 在縣東南一百二十里下臨黃灘江即相安涇潭四水為自郡出袁家渡入餘慶要隘征播時

會成之江 貴州將李應祥由此進方輿紀要萬曆中李應祥討

楊應龍自平越進兵攻四牌乾溪旋水天邦三百落

等寨盡克之長驅直抵疆界河屯袁家渡得降賊為

鄉導潛出小溪直抵黃灘關乘勝追至西平張王墳

及三度關

老君關 今名石子岫在縣南八十里兩崖障日一

縫中通為自郡往貴州省治要隘征播時貴州將童

元鎮由此進方輿紀要萬曆中童元鎮率水西兵自

烏江進攻破老君關應龍揣其必當深入令部兵詭

服水西衣甲混入營中內外合發官軍大斲進至烏

江斷浮橋官軍溺死無算關蓋在烏江北

烏江關 在縣南一百里通志作烏江旁明洪武間

八十

里

通志作烏江旁明洪武間

建志懸壁臨水盤折而上口開一罅十里熾行為往

省治要隘方輿紀要在府西南又東有河渡關萬曆

中楊應龍敗官軍於烏江旋趨河渡貴州震動既而

黔帥童元鎮復克烏江關又克河渡關是也

河渡關 今名茶山關在縣東南一百里下臨烏江

為自郡出貴陽開州要隘

崖門關 在縣西北一百里通志為自郡出仁懷往四

川永寧要隘征播時蜀將吳廣由此進方輿紀要萬

曆中川師討楊應龍別將吳廣自合江進兵入崖門

關營水牛塘進屯江水口是也

落濠關

今名樂民城在縣西四十五里下臨樂關

水為縣西路要隘征播時水西安疆臣由此進方輿

紀要安疆臣討楊應龍由西路沙溪馬站石壁花毛

田而進奪落濠關至大水田焚桃溪莊逼近播州賊

勢遂窘

鎮南關 在縣西一百六十里下臨渭河西即黔西

界為自郡往大定要隘明季水西未平順烏江而下

於沙崖鼓樓鎮南底水中澤烏江羊崖茶山板角九

隘設守或參將或遊擊行邊防事至

國朝每隘委駐防一員以便塘遞康熙二十年水西平

遵義府志

卷九

關梁

二

遵義府志

卷九

關梁

三